



Te Marautanga o Aotearoa

# Whanaketanga Reo

## Kōrero, Pānui, Tuhituhi

He Aratohu  
mā te Pouako



## He Mihi

He mihi tēnei nā Te Tāhuhu o te Mātauranga me Te Pou Taki Kōrero ki ngā kaituhi o te rauemi mīharo nei. Kia ora rawa atu ki a koutou e whakapau kaha nei ki te whakaoti i te rauemi nei mā ngā kaiako, ngā whānau, me ngā ākonga o te motu.

Nā Adrian Heke te whakaahua kei te uhi, mana pupuri © Te Karauna 2010.

Nā Phillip Paea te pikitia o te tereina kei whārangi 6 me te kauwhata kei whārangi 34. Nā Polina Outkina te pikitia o ngā tamariki kei whārangi 34. Mana pupuri i ēnei pikitia katoa © Te Karauna 2010.

Mai i ngā rauemi He Purapura, Ngā Kete Kōrero, me Whakawhiti ngā pukapuka kei ngā tauira aromatawai. Tirohia te rauemi tūturu kia kite kei a wai te mana pupuri mō ia pikitia.

Kua whakaaetia e ia kaituhi o ia tuhinga kia tāruatia tana tuhinga ki roto i tēnei rauemi, mana pupuri © ngā ākonga 2010.

**Ētita:** Carol Buchanan, Hēni Jacob

**Kaihoahoa:** Liz Tui-Morris, Phillip Paea

I whakaputaina tēnei pukapuka i te tau 2010 mō Te Tāhuhu o te Mātauranga e Te Pou Taki Kōrero Whāiti, Pouaka 3293, Te Whanganui-a-Tara 6140, Aotearoa. [www.learningmedia.co.nz](http://www.learningmedia.co.nz)

Mana pupuri © Te Karauna 2010

Ngā tono ki te kaiwhakaputa i te pukapuka.

Ki te hiahia koe ki ētahi atu kape o tēnei rauemi, whakapā mai ki:

Te Ratonga Kiritaki a Te Tāhuhu o te Mātauranga

Waea koreutu 0800 660 662

Waea whakaahua koreutu 0800 660 663

Īmēra: [orders@thechair.minedu.govt.nz](mailto:orders@thechair.minedu.govt.nz)

Tono mai rānei mā te Ipurangi [www.thechair.minedu.govt.nz](http://www.thechair.minedu.govt.nz)

Me mātua homai te nama take 33642.

ISBN 978 0 7903 3642 8

Nama take 33642

Whanaketanga Reo: Kōrero, Pānui, Tuhituhi (pepa whewhera): nama take 11541

Whanaketanga Reo: Kōrero, Pānui, Tuhituhi (tūtohi pakitara): nama take 11542

Whanaketanga Pāngarau: He Aratohu mā te Pouako nama take 33643

Whanaketanga Pāngarau (pepa whewhera): nama take 11540

Whanaketanga Pāngarau (tūtohi pakitara): nama take 11539



I hangaia tēnei rauemi hei tautoko i  
*Te Marautanga o Aotearoa*




Te Marautanga o Aotearoa

# Whanaketanga Reo

## Kōrero, Pānui, Tuhituhi

He Aratohu  
mā te Pouako





## 4 He Kupu Whakamārama

### 5 Whanaketanga 1

- 5 Taha Kōrero (ā-Waha)
- 9 Taha Pānui (ā-Tā)
- 13 Taha Tuhituhi (ā-Tā)

### 17 Whanaketanga 2

- 17 Taha Kōrero (ā-Waha)
- 21 Taha Pānui (ā-Tā)
- 27 Taha Tuhituhi (ā-Tā)

### 33 Whanaketanga 3

- 33 Taha Kōrero (ā-Waha)
- 37 Taha Pānui (ā-Tā)
- 43 Taha Tuhituhi (ā-Tā)


### 49 Whanaketanga 4

- 49 Taha Kōrero (ā-Waha)
- 53 Taha Pānui (ā-Tā)
- 57 Taha Tuhituhi (ā-Tā)

### 63 Whanaketanga 5

- 63 Taha Kōrero (ā-Waha)
- 67 Taha Pānui (ā-Tā)
- 71 Taha Tuhituhi (ā-Tā)

## 76 He Kupu Taka



# WHANAKETANGA: KŌRERO (ā-Waha), PĀNUI (ā-Tā), TUHITUHI (ā-Tā)

## HE KUPU WHAKAMĀRAMA

### Ngā hononga ki Te Marautanga o Aotearoa

I pūtakea mai ēnei whanaketanga reo (taha kōrero, taha pānui, taha tuhituhi) i ngā whāinga paetae o te reo Māori i roto i *Te Marautanga o Aotearoa*, ā, e hāngai ana ki ngā taumata 1 ki te 5 o te marautanga.

Kei te hono hoki ngā whanaketanga e rima ki ngā taumata pānui o *Ngā Kete Kōrero*.

Taumata Marautanga	Whanaketanga Reo	Taumata Pānui
1 (He Pakari)	1	te tīmatanga o te kete Kiekie (KKa)
2	2	te mutunga o te kete Kiekie (KKi)
3	3	te waenga o te kete Pīngao (KPe)
4	4	te mutunga o te kete Pīngao (KPo)
5	5	te Miro

E kitea anō ai te hāngai o ngā whanaketanga ki te marautanga, kua whakaahuatia mai ngā kai o roto i te whanaketanga i runga i ngā tino wāhanga e toru o te wāhanga ako reo Māori – ko te Āheinga Reo tērā, ko te Puna Reo tērā, ko te Rautaki Reo anō tērā.

He whāiti noa iho te titiro o ngā whanaketanga reo nei. Ko te reo ā-waha (kōrero me te whakarongo), te pānui, me te tuhituhi anake ngā āhuatanga e tohua ana i ngā whanaketanga, ā, e arotahi ana te taha pānui me te taha tuhituhi ki ngā tānga kupu, kua ki ētahi atu momo tānga pērā i te reo ataata. Arā anō ngā pūkenga reo e tika ana kia mau i te ākongā. Tirohia *Te Marautanga o Aotearoa* kia kitea ai te whānuitanga atu o ngā pūkenga reo hei ako i te kura.

ā-Waha	ā-Tā	ā-Tinana
= whakarongo	= pānui	= whakarongo
= kōrero	= tuhituhi	= kōrero
= pānui	= mātakitaki	= mātakitaki
= tuhituhi	= whakaatu	= whakaatu

### Ngā Paetohu

E mārama ai te pouako ki te tino kaupapa o ēnei whanaketanga reo, kua whakaahuatia ētahi paetohu hei ārahi i te aromatawai. Arā anō pea ētahi atu paetohu o te whanaketanga ka kitea, ka whakaatuhia rānei e te ākongā ētahi paetohu o te whanaketanga o runga ake. Heoi, ko tā ngā paetohu i roto i te pukapuka nei, he tohu atu i ngā momo pūkenga, te mātauranga, me ngā rautaki tērā ka kitea i te wā kua tutuki i te ākongā te whanaketanga.

Heoi, me whānui tonu te titiro a te pouako i te wā e aromatawaihia ana te ākongā. Koinā i kīia ai he wāhi nui ki te tiroiro ngaio, ki te mōhiotanga ngaio o te pouako i roto i ngā mahi aromatawai.

### Ngā Taurira Aromatawai

Kei te pukapuka nei ētahi taurira hei ārahi i te pouako i roto i ngā mahi aromatawai. Heoi, he taurira noa iho, he torutoru noa iho, he tīmatanga noa iho. Me whai te pouako kia maha tonu ngā huarahi aromatawai mō tētahi ākongā e mōhio ai te whānau mēnā kua eke taua ākongā ki te taumata reo e tika ana kia eke e ia. E whakahāngaitia ana te katoa o ngā taurira aromatawai ki ngā whanaketanga.

Hei whakamārama i te hāngaitanga o te taurira ki te whanaketanga, kua whakaatuhia ētahi kōrero pēnei (he taurira noa iho tēnei):

	He paetohu	Ko tā te pouako	Ko tā te ākongā whakautu
<b>Āheinga Reo</b>	Ka mārama atu, ka tautohu te ākongā i ngā pūtake o ngā tuhinga kei te mutunga o te taumata Kiekie (KKi), kei te taumata tuarua anō o te marautanga. <b>Ina pānui ia:</b> • ka tautohua e ia ngā whakaaro matua o ngā tuhinga pohewa, me ngā pārongo matua o ngā tuhinga pono me ngā kōrero tautoko o roto i te tuhinga	<i>Ki ōu whakaaro, he aha te tino take ka hiahia kē a Koro ki te whakarongo ki te reo irirangi, kua ki te mātaki i te pouaka whakaata hou?</i>	<i>He tino mea hou te rou mamao, ā, kaore a Koro i te mōhio me pēhea te whakamahi. He nui ngā tohutohu hei whakamāmahara.</i>
<b>Puna Reo</b>	Ka mārama atu, ka whakamārama anō te ākongā i ngā āhuatanga reo me ngā whakatakoto i roto i ngā tuhinga kei te mutunga o te taumata Kiekie (KKi), kei te taumata tuarua anō o te marautanga. <b>Ka whakaatu ia i tana mōhio ki:</b> • ngā huihuinga oro hei āwhina i a ia ki te pānui i ngā kupu tauhou	<i>Kua wehea ētahi o ngā kupu mai i te tuhinga. Whakaahuatia mai ko tēhea te wehenga tika e tohu ana i te kiko tika o taua kupu ki tēnei tuhinga horopaki ...</i>	<ul style="list-style-type: none"> <li>• āhua-tanga</li> <li>• whaka-kā</li> <li>• pī-ata-ata</li> <li>• iri-rangi</li> </ul>
<b>Rautaki Reo</b>	Ka whakamahi, ka whakamārama anō te ākongā i ngā rautaki pānui e mārama ai ia ki ngā tuhinga kei te mutunga o te taumata Kiekie (KKi), kei te taumata tuarua anō o te marautanga. <b>I a ia e pānui ana:</b> • ka whakawhitihiti ia i ona wheako ake ki ngā pārongo hou i roto i te tuhinga	<i>Tautohua tētahi taputapu hangarau. Whakamāramahia mai me pēhea te whakahaere ...</i>	<i>Te waea pūkoro ...</i>

E tohu ana tēnei i te wāhanga o te whanaketanga e pā ana ki ngā āheinga reo.

He paetohu āheinga reo e hāngai ana ki te whāinga āheinga reo.

E hāngai ana tēnei wāhanga ki te puna reo.

He paetohu puna reo e hāngai ana ki te whāinga puna reo.

E hāngai ana tēnei wāhanga ki ngā rautaki reo.

He paetohu rautaki reo e hāngai ana ki te whāinga rautaki reo.

He taurira noa iho ngā kōrero i ēnei pou, hei arataki i te pouako

Ko te whāinga āheinga reo mō tēnei whanaketanga

Mēnā kua tītaha te tuhi, he kōrero tēnei mā te pouako, he kōrero rānei tērā ka puta i te ākongā.

Ko te whāinga puna reo mō tēnei whanaketanga

Ko te whāinga rautaki reo mō tēnei whanaketanga

He taurira noa iho tēnei o ngā momo kōrero, whakautu rānei a te ākongā.

# WHANAKETANGA 1: TAHA KŌRERO (ā-Waha)

E hāngai ana ki te ākongā kua tutuki i a ia te **Taumata 1** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka tautohu anō te ākongā i ngā kōrero māmā ā-waha, ā, ka tutuki i a ia āna ake pūtake kōrero me ngā pīkaunga kōrero i te taumata tuatahi o te marautanga.
Puna Reo	Ka tautohu, ka whakamahi anō te ākongā i ngā āhuatanga reo me ngā whakatakoto māmā e tutuki ai ngā pīkaunga kōrero i te taumata tuatahi o te marautanga.
Rautaki Reo	Ka tautohu, ka whakamahi anō te ākongā i ngā rautaki e mārama ai ia ki tāna e rongona, e mārama anō ai ētahi atu ki ōna whakaaro.

## HE TAUIRA AROMATAWAI

### Te Tautohu Whakaaro – He Whai Tohutohu, He Whakaputa Tohutohu

#### He Horopaki Aromatawai

He aromatawai taha whakarongo, taha kōrero rānei tēnei taurira aromatawai. Kāua e aromatawai i ngā taha e rua i te wā kotahi.

Kia waia te ākonga ki tēnei tūmahī, arā, ko te tā pikitia e hāngai ana ki ētahi tohutohu ā-waha, ko te hoatu tohutohu rānei hei whai mā tētahi atu, kātahi anō ka whakamahia tēnei rautaki hei mahi aromatawai.

I te tuatahi o ēnei mahi ka whai tohutohu te ākonga ki te tā i tētahi pikitia. Mā te pouako ngā tohutohu e kōrero. I te tuarua, ka riro mā te ākonga tonu e kōrero atu ngā tohutohu hei whai mā ōna hoa.

Ko te kaupapa o te mahi kua whakatauiratia i konei, ko te tā tereina. Heoi, he taurira noa iho tēnei. Ka taea tēnei tūmahī ahakoa he aha te kaupapa.

#### Hei aromatawai i te taha whakarongo


Ko tā te pouako, he hoatu tohutohu hei whai mā te ākonga:

*Ka rongo koe i ētahi tohutohu e whakaahua ana i te āhua o tētahi mea. He tereina te kaupapa o te pikitia. Ko tāu, he whai i ngā tohutohu kia rite ai tāu pikitia ki tērā i whakaahuatia e au. Nō reira, ko tāu, he whakarongo, he whai i ngā tohutohu.*

#### Hei aromatawai i te taha kōrero

Ko tā te pouako, he hoatu pikitia māmā noa iho ki te ākonga, ka kī atu:

*Kei a koe tētahi pikitia o te tereina. Ko tāu, he whakaahua ā-waha i ngā āhuatanga katoa o te tereina (ngā tae, ngā āhua, te rahi, te aha atu), kia taea ai e tō hoa (ō hoa rānei) te pikitia te tā.*





# WHANAKETANGA 1: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Āheinga Reo	Ka mārama atu, ka tautohu anō te ākongi i ngā kōrero māmā ā-waha, ā, ka tutuki i a ia āna ake pūtake kōrero me ngā pīkaunga kōrero i te taumata tuatahi o te marautanga.		
	<p><b>🌀 Ina whakarongo ia:</b></p> <ul style="list-style-type: none"> <li>ka tautohua e ia ngā whakaaro matua e whai ana te kaikōrero ki te whakapuaki</li> </ul>	<i>He aha te tikanga o tēnā kōrero? Tēnā whakamāramatia mai.</i>	I tika tana whai i ngā tohutohu?
	<ul style="list-style-type: none"> <li>ka kitea e ia ētahi pārongo whāiti o roto i te kōrero.</li> </ul>	<i>He aha ētahi tino āhuatanga whāiti i whakaaturia mai e te kaikōrero, pēnei i te āhua, ngā tae, te nui rānei o taua mea o roto i te pikitia? He aha koe i mōhio ai?</i>	I pēhea te pai o tana whai i te katoa o ngā kōrero, o ngā whakamārama?
	<p><b>🗣️ Ina kōrero ia:</b></p> <ul style="list-style-type: none"> <li>ka whakawhiti whakaaro ia i runga i te mārama, i te tōtika</li> </ul>	<i>Ko tāu, he whakaahua ā-waha i ngā āhuatanga katoa o te tereina (ngā tae, ngā āhua, te rahi, te aha atu), kia taea ai e tō hoa tana pikitia te whakaoti. He aha te mahi māna ināianei?</i>	Kei te tika, kei te whai kiko te raupapa o ngā tohutohu?
	<ul style="list-style-type: none"> <li>e whakaatu ana ia i ngā whakaaro nui</li> </ul>	<i>Tēnā koa, whakaahuatia mai ētahi atu āhuatanga ōna.</i>	E pēhea ana te mārama, te whaihua o ngā tohutohu? Kei te whāia ngā tohutohu e te kaiwhakarongo?
<ul style="list-style-type: none"> <li>ka tātaku ia i ētahi momo kōrero Māori taketake ake pērā i te pepeha, i te karakia, i te waiata.</li> </ul>	<i>He aha tētahi waiata, rotarota, ruri rānei e pā ana ki te tereina?</i>	I pēhea te hāngai o tana kōrero?	
Puna Reo	Ka tautohu, ka whakamahi anō te ākongi i ngā āhuatanga reo me ngā whakatakoto māmā e tutuki ai ngā pīkaunga kōrero i te taumata tuatahi o te marautanga.		
	<p><b>🌀 Ka whakaatu i tana mōhio ki:</b></p> <ul style="list-style-type: none"> <li>te mita o te reo Māori</li> </ul>	<i>Kia kaha koe ki te kōrero i tāu i whakaaro ai.</i>	I makere noa te kupu i te waha?
	<ul style="list-style-type: none"> <li>ngā kupu auau te puta me ētahi kupu whakaatu i te kare ā-roto, i te whakaaro whaiaro</li> </ul>	<i>I pēhea ō whakaaro mō taua mahi? Ko tēhea te wāhanga uaua, māmā rānei ki a koe? He aha ai? He kōrero anō āu mō taua mahi?</i>	Kua mau i te ākongi ngā āhuatanga o te reo tohutohu māmā? Hei tauira, kei te tika tana tīmata i te whakahau ki te kupu mahi me te hāngūtanga?
<ul style="list-style-type: none"> <li>ngā whakatakoto māmā.</li> </ul>	<i>He huarahi anō e mōhio ana koe hei whakaahua i tērā? Me aha ia iāianā?</i>	Kei te whakamahia ngā kupu e hāngai ana, tae atu ki ngā kupu tikanga whāiti? I pēhea te tika o tana kōrero?	
Rautaki Reo	Ka tautohu, ka whakamahi anō te ākongi i ngā rautaki e mārama ai ia ki tāna e rongu ana, e mārama anō ai ētahi atu ki ōna whakaaro.		
	<p><b>🌀 I a ia e whakarongo ana, e kōrero ana:</b></p> <ul style="list-style-type: none"> <li>ka tuku pātai kia mārama ai ia ki te tikanga o te kōrero</li> </ul>	<i>Me mārama pū koe ki ngā tohutohu e tutuki pai ai te mahi. Nō reira, ki te kore koe e mārama ki ngā kōrero, me aha?</i>	I pēhea te hāngai o āna pātai? I mārama ake ia i te hāngai o āna pātai?
	<ul style="list-style-type: none"> <li>ka kite i ngā hononga ki ngā mea e mōhio kē ana ia</li> </ul>	<i>He hokinga mahara tēnei ki tētahi mea kua mōhio kē koe?</i>	Ka taea e te ākongi te whakarerekē tana kōrero kia mārama ake ki te kaiwhakarongo? Ka taea e ia te āta kōrero ngā āhuatanga whāiti tonu o tana pikitia?
<ul style="list-style-type: none"> <li>ka kapo atu, ka tārua i ngā kupu me ngā kīanga matua kia mau ai ki ōna pūmahara.</li> </ul>	<i>Tēnā whakahokia taua kōrero kia rite ki tāu i rongu ai.</i>	I pēhea tana maumahara ki ētahi kupu hou, kīanga hou rānei? E kaha ana ia ki te tārua kōrero hei rautaki ako?	



## Ētahi Atu Taurira Aromatawai: Te Tautohu Whakaaro

Ko tā te ākongā:

- he tuku tohutohu, he whai tohutohu e tae atu ai ki tētahi wāhi kua tohua ki te mahere whenua māmā, ki tētahi wāhi i te kura rānei
- he tautohu i ngā kiripuaki matua, i ngā whakaaro matua o roto i tētahi kōrero ā-waha, ā-tuhi rānei, i te waiata rānei, i te rotarota rānei
- he tautohu i te huhua o ngā kupu ka taea e hāngai ana ki tētahi whakaahua, ki tētahi whakaahua ā-kāmera rānei. Hei tauira, ko ngā kupu mahi, ngā kupu ingoa, ngā kupu āhua katoa e kawē ana i te kare ā-roto. Mō muri whakarōpūtia ai ngā kupu e noho whanaunga ana
- he whakarongo, he tuku pātai ki tētahi kaupapa, ki tētahi āhuetanga rānei kua pā. Hei tauira, ki tētahi pitopito kōrero o te wā, ki ngā hokinga mahara rānei o tētahi atu ākongā ki tētahi āhuetanga i pā
- he patapatai e oti mai ai tētahi mahi hou.



## Ngā mahi aromatawai mō te tau 20\_\_


Handwriting practice area with 20 horizontal dotted lines.



# WHANAKETANGA 1: TAHA PĀNUI (ā-Tā)

E hāngai ana ki te ākonga kua tutuki i a ia te **Taumata 1** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka tautohu anō te ākonga i ngā pūtake o ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.
Puna Reo	Ka mārama atu, ka tautohu anō te ākonga i ngā āhuatanga reo me ngā whakatakoto i roto i ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.
Rautaki Reo	Ka mārama atu, ka tautohu, ka whakamahi anō te ākonga i ētahi rautaki pānui e mārama ai ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.



## HE TAUIRA AROMATAWAI

### Tauira 1: Kei Roto i te Moana KKa (Tuhinga Pohewa)

	He paetohu	Ko tā te pouako	Ko tā te ākongā whakautu
Āheinga Reo	<p>Ka mārama atu, ka tautohu anō te ākongā i ngā pūtake o ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.</p> <p><b>🌀 Ina pānui ia:</b></p> <ul style="list-style-type: none"> <li>ka tautohua e ia ngā whakaaro matua o ngā tuhinga pohewa me ngā pārongo matua o ngā tuhinga pono</li> <li>ka whakaputaina ōna ake whakaaro ki taua tuhinga.</li> </ul>	<p><i>He aha tētahi taitara mō te paki nei, e mōhio ai te kaipānui he aha te tino kaupapa o te tuhinga?</i></p> <p><i>Ko tēhea wāhi o te paki i tino pārekareka ki a koe? He aha ai?</i></p>	<p><i>Kei te Hiakai te Taniwha, Kia Tūpato i te Taniwha, Kaua e Apu Kai.</i></p> <p><i>Te pikitia i ngā whārangi 8 me te 9. Ka kata ahau i te kanohi o te taniwha me tōna puku mōmona.</i></p>
	<p>Ka mārama atu, ka tautohu anō te ākongā i ngā āhuatanga reo me ngā whakatakoto i roto i ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.</p> <p><b>🌀 Ka whakaatu ia i tana mōhio ki:</b></p> <ul style="list-style-type: none"> <li>te haere kōtui o te oro me te pū ki te whakamātau i ngā kupu hou</li> <li>te pānui i ngā tohutuhi.</li> </ul>	<p><i>Tohua mai te kupu "pātiki" (whārangi 10). He aha koe i mōhio ai ko te kupu "pātiki" tēnā?</i></p> <p><i>Me pēhea te pānui i te rerenga kōrero tuatahi i te whārangi 5? [Kei whea te kōura?] He aha koe i mōhio ai he pātai?</i></p>	<p><i>Nā te mea ka tīmata tēnei kupu i te "p". He "t" hoki i roto. Ko te pū whakamutunga, ko te "i".</i></p> <p><i>Kei reira he tohu pātai. Ko ngā kupu "kei whea" he pātai.</i></p>
Rautaki Reo	<p>Ka mārama atu, ka tautohu, ka whakamahi anō te ākongā i ētahi rautaki pānui e mārama ai ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.</p> <p><b>🌀 I a ia e pānui ana:</b></p> <ul style="list-style-type: none"> <li>ka whakawhirinaki ia ki ōna wheako ake</li> <li>ka aro atu ia ki ngā tānga whakaahua me te horopaki hei matapae, hei hīkaro, hei whakaū i te tikanga o te tuhinga</li> <li>ka whakamahi i tōna mōhiotanga ki te hanganga o te reo Māori hei whiriwhiri i te tikanga o ētahi kupu hou</li> <li>ka tautohua e ia ngā tiwhiri e whai kiko ana.</li> </ul>	<p><i>Kei te maumahara koe ki tētahi wā he kaihora koe pēnei i te taniwha nei? Tēnā, whakamāramahia mai.</i></p> <p><i>Whakaatuhia te āhua o te taniwha. (Kei te whārangi 8 me te 9.) Ka aha ia ināiane, ki tōu whakaaro?</i></p> <p><i>Tirohia te rerenga kōrero "Kei roto i te moana te ..." He aha pea ngā kupu e whai ana i te kupu "te"?</i></p> <p><i>He aha ngā tino tiwhiri āwhina ai i a koe ki te tautohu i ngā kararehe i roto i tēnei paki?</i></p>	<p><i>Āe, ko te hākari mō taku rā whānau. I kai katoa ahau i ngā rare me ngā kai rekareka. I mamae tōku puku.</i></p> <p><i>Ko ōna karu, he nui. He mōmona tōna puku. Ka kī ia "A-A-A-A-A"</i></p> <p><i>Ka kai rongoā pea. Ka ruaki pea.</i></p> <p><i>Ngā ingoa o ngā kai moana.</i></p> <p><i>Ko te pikitia i te whārangi 2 me te 3. Ko te hanga o te kupu.</i></p>



## Tauira 2: Motopaiki KKa (Tuhinga Pono)

	He paetohu	Ko tā te pouako	Ko tā te ākonga whakautu
Āheinga Reo	<p>Ka mārama, ka tautohu anō te ākonga i ngā pūtaka o ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.</p> <p><b>🌀 Ina pānui ia:</b></p> <ul style="list-style-type: none"> <li>ka tautohua e ia ngā whakaaro matua o ngā tuhinga pohewa me ngā pārongo matua o ngā tuhinga pono</li> <li>ka whakaputaina ōna ake whakaaro ki taua tuhinga.</li> </ul>	<p><i>He aha ngā kupu i roto i te tuhinga i tino kawea i te kaupapa o te tuhinga pono nei?</i></p> <p><i>Homai tāu ake kōrero mō te whārangi 8.</i></p>	<p><i>motopaiki</i> <i>noho</i> <i>pahure</i> <i>patapata</i> <i>tū</i></p> <p><i>He tino pai te eke motopaika ki te tama. Ka kī ia, "Tūmeke!"</i></p>
	<p>Ka mārama atu, ka tautohu anō te ākonga i ngā āhukatanga reo me ngā whakatakoto i roto i ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.</p> <p><b>🌀 Ka whakaatu ia i tana mōhio ki:</b></p> <ul style="list-style-type: none"> <li>te haere kōtui o te oro me te pū ki te whakamātau i ngā kupu hou</li> <li>te pānui i ngā tohutuhi.</li> </ul>	<p><i>Āta whakahuatia te kupu mahi (kei te whārangi 5). Ka tīmata i te aha? He aha anō ngā pū me ōna oro i roto i taua kupu?</i></p> <p><i>Me pēhea te pānui i te kupu "Tūmeke!" (kei te whārangi 8). He aha koe i mōhio ai?</i></p>	<p><i>P, pa, pahu, pahure.</i></p> <p><i>Me kaha te pānui, i te mea he tohuhā e whai ana i te kupu "tūmeke".</i></p>
Rautaki Reo	<p>Ka mārama atu, ka tautohu, ka whakamahi anō te ākonga i ētahi rautaki pānui e mārama ai ngā tuhinga kei te tīmatanga o te taumata Kiekie (KKa), kei te taumata tuatahi anō o te marautanga.</p> <p><b>🌀 I a ia e pānui ana:</b></p> <ul style="list-style-type: none"> <li>ka whakawhirinaki ia ki ōna wheako ake</li> </ul>	<p><i>Kua eke motopaika koe?</i> <i>He aha ngā rerekētanga o te eke motopaika i te haere mā runga motokā?</i></p>	<p><i>Kāore anō, engari he motopaika tō taku matua kēkē.</i> <i>He hoihoi ake te motopaika.</i> <i>Mau pōtae mārō ai mēnā ka eke motopaika koe.</i></p>
	<ul style="list-style-type: none"> <li>ka aro atu ia ki ngā tānga whakaahua me te horopaki hei matapae, hei hīkaro, hei whakaū i te tikanga o te tuhinga</li> </ul>	<p><i>Tirohia ngā pikitia kei ngā whārangi 3–5. He aha pea te kupu e hāngai ana ki te motopaika?</i> <i>Whakamāramahia mai taua kupu kia mārama ai te tikanga.</i></p>	<p><i>Pahure. Kei te haere te motopaika ki mua o te motokā.</i> <i>Patapata. Te tangi a te motopaika.</i></p>
	<ul style="list-style-type: none"> <li>ka whakamahi i tōna mōhio ki te hanganga o te reo Māori hei whiriwhiri i te tikanga o ētahi kupu hou</li> </ul>	<p><i>E tohu ana te "e" me te "ana" i te momo kupu ka noho pai ki waenga i a rāua. He aha taua momo kupu?</i></p>	<p><i>He kupu mahi.</i></p>
	<ul style="list-style-type: none"> <li>ka tautohua e ia ngā tiwhiri e whai kiko ana.</li> </ul>	<p><i>He aha ngā tino tiwhiri i āwhina i a koe kia mārama ai koe ki ngā kupu mahi hou i roto i tēnei tuhinga?</i></p>	<p><i>Ko ngā pikitia.</i> <i>Ko te hanga o te kupu.</i></p>



# WHANAKETANGA 1: TAHA PĀNUI (ā-Tā)

Ngā mahi aromatawai mō te tau 20\_\_

A series of horizontal dotted lines for writing practice, spanning the width of the page.



# WHANAKETANGA 1: TAHA TUHITUHI (ā-Tā)

E hāngai ana ki te ākonga kua tutuki i a ia te **Taumata 1** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama te ākonga he take tō te tuhituhi, ka tautohu anō i ngā momo tuhinga māmā, ā, ka tutuki i a ia ngā tuhinga māmā mō āna ake kaupapa i te taumata tuatahi o te marautanga.
Puna Reo	Ka mārama atu, ka whakamahi anō te ākonga i ngā āhuratanga reo me ngā whakatakoto māmā o te taumata tuatahi o te marautanga i roto i āna tuhituhi.
Rautaki Reo	Ka mārama atu, ka whakamahi anō te ākonga i ngā rautaki kua tohua i te taumata tuatahi o te marautanga hei whakaputa i ōna whakaaro i roto i āna tuhinga.

## HE TAUIRA AROMATAWAI

### Kōanga (Takenga Pūtaiao)


#### Te Horopaki mō te “Kōanga”

I tuhia tēnei tuhinga i te wā tuhinga māhorahora.

Kua whakaakongia ngā ākonga o tēnei akomanga ki ngā āhuatanga e pā ana ki ngā wāhanga o te tau, me ngā huarere rerekē o aua wāhanga i roto i ngā whakaakoranga pūtaiao. Kua oti kē i a rātou te tuhituhi takenga pūtaiao mō ētahi wāhanga o te tau. Ka whakaaturia tēnei tuhinga e te kura ki ngā pātū o te tomokanga o te kura hei pānuitanga mā ngā whānau, ngā ākonga, ngā pouako, me ngā manuhiri ka tae atu.

Kei te whakaatu mai tēnei tuhinga i ētahi o ngā āhuatanga o te takenga pūtaiao. Heoi, kei te whakaatu mai i:

- te tapanga
- te tūāhuatanga
- te takenga pūtaiao.



Kua whakatakotoria te tūāhuatanga.

Kua whakaraupapa i ngā pārongo hei takenga pūtaiao.

Kua tuhia te tapanga hei tautohu i te kaupapa o te takenga pūtaiao.

Kua tīmata ia ki te whakamahi tika i te tohutō.



# WHANAKETANGA 1: TAHA TUHITUHI (ā-Tā)


	He paetohu	Hei aronga mā te pouako	Te taunakitanga
Āheinga Reo	Ka mārama te ākonga he take tō te tuhituhi, ka tautohu anō i ngā momo tuhinga māmā, ā, ka tutuki i a ia ngā tuhinga māmā mō āna ake kaupapa i te taumata tuatahi o te marautanga.		
	<p>⌘ Ina tuhi ia:</p> <ul style="list-style-type: none"> <li>ka hanga tuhinga e taea ana e tētahi atu te pānui</li> <li>ka whakaatuhia ōna whakaaro nui.</li> </ul>	<p>Kua whakatakoto tika te ākonga i ngā kupu i roto i ngā rerenga, ā, ka mārama te tuhinga ki te kaipānui.</p> <p>Kua whakaahuatia ngā āhuatanga o te kōanga.</p>	<p>Tirohia te tuhinga.</p> <p>Tirohia te tuhinga: ... i kite he āniwaniwa ... i waiata ngā manu ... i kite he punua hoiho ...</p>
Puna Reo	Ka mārama atu, ka whakamahi anō te ākonga i ngā āhuatanga reo me ngā whakatakoto māmā o te taumata tuatahi o te marautanga i roto i āna tuhituhi.		
	<p>⌘ Ka whakaatu ia i tana mōhio ki:</p> <ul style="list-style-type: none"> <li>ētahi kupu auau te puta me ētahi kupu e hāngai ana ki āna kaupapa tuhituhi</li> </ul>	<p>Kua whakaatu i tana mōhio ki ētahi kupu auau, ki tētahi whiringa kupu hoki e hāngai ana ki te kaupapa.</p>	<p>Kupu auau: kite, whānau, pai. Kupu e hāngai ana ki te kaupapa tuhituhi: Kōanga, āniwaniwa, punua hoiho, punua hipi, whānau mai ngā kau ...</p>
	<ul style="list-style-type: none"> <li>te whakamahi i te irakati me ngā pūmatua</li> </ul>	<p>Kua tuhi pūmatua mō te tīmatanga o ngā rerenga tuhituhi, ā, kua whakamahi hoki i ngā irakati i te mutunga o ngā rerenga.</p>	<p>Hei tauira: I te wāhanga o te kōanga i kite he āniwaniwa.</p>
	<ul style="list-style-type: none"> <li>te tātaki tika i ētahi kupu auau te puta, te whakamātau ki te tātaki kupu mā te hono atu i te oro ki te pū me te whakamahi i te tohutō</li> </ul>	<p>Kei te tika te tātaki i ngā kupu auau, hāunga ngā tohutō.</p> <p>Kua tātaki tika i te nuinga o ngā kupu, ā, kua tātaki i ngā kupu kāore e tino mōhioia ana mā te hono i te oro ki te pū.</p> <p>Kua tīmata hoki a ia ki te whakamahi i te tohutō.</p>	<p>Kupu auau: kite, whānau, pai.</p> <p>Whakamātau kupu: (na) ta mia mō te mea.</p> <p>Tohutō: kōanga, ngā, whānau, wāhanga, āniwaniwa.</p>
<ul style="list-style-type: none"> <li>ngā rerenga māmā.</li> </ul>	<p>Kua tika te whakatakoto i ngā rerenga māmā.</p>	<p>Hei tauira: ... i waiata ngā manu he nui ngā manu ...</p>	



# WHANAKETANGA 1: TAHA TUHITUHI (ā-Tā)

1

Rautaki Reo

He paetohu	Hei aronga mā te pouako	Te taunakitanga
<p>Ka mārama atu, ka whakamahi anō te ākongā i ngā rautaki kua tohua i te taumata tuatahi o te marautanga hei whakaputa i ōna whakaaro i roto i āna tuhinga.</p> <p> <b>I a ia e tuhi ana:</b></p> <ul style="list-style-type: none"> <li>ka kōrerorero ia, ka tā whakaahua, kupu, aha atu rānei hei huarahi whakakaupapa i ōna whakaaro</li> <li>ka pānui anō ia i āna tuhinga, me te whakapaipai haere kia tika ake ai, kia mārama ake ai ngā tuhinga.</li> </ul>	<p>Ka tāia he pikitia i te tuatahi, ā, mō muri ngā rerenga e whakamārama ana i tana pikitia?</p> <p>I tēnei tuhinga, kīhai te ākongā i whakatika i tāna tuhinga.</p>	<p>I tuhinga kē, kua kitea te whakatika a te ākongā i āna hē, i āna hapa tātaki kupu, hapa wetereo.</p> <div data-bbox="1082 728 1460 1227" style="border: 1px solid black; padding: 5px;"> <p>Rōapa</p> <p>Kōanga I te wāhanga o te kōanga i kite he āniwaniwa. I te Whiti te ra, i waiata Ngā manu he nui Ngā manu me he ataahua. I te kōanga i kite he punua hoiho me he punua hipi. Hepai te kōanga nātari ka whānau mai ngā Punua kua me he Punua hoiho.</p> </div>

## He Rauemi Tautoko

*He Tuhinga Takenga Pūtaiao.* He Manu Tuhituhi. Aronui Ltd (2008), whārangi 7–23 me 60–62.

*Te Hōtaka Tuhituhi Māhorahora* He Manu Tuhituhi. Aronui Ltd (2008), whārangi 32–41.

*Hei Korowai Tuatahi mō te Marautanga Reo Māori: Te whakamahi i te marau reo Māori,* Te Tāhuhu o te Mātauranga (2008), whārangi 45–46.

*Ka Rere te Manu ki te Ao Tuhituhi: He Pukapuka Aratohu mā te Kaiako,* He Manu Tuhituhi. Aronui Ltd (2008). He Ara Rērere: Ka Whai Huru huru me Ka Marewa. (Tirohia ngā whārangi 28–31 me 161–173)

## Ngā mahi aromatawai mō te tau 20\_\_

.....

.....

.....

.....

.....

.....

.....

.....

.....

.....

# WHANAKETANGA 2: TAHA KÖRERO (ā-Waha)

E hāngai ana ki te ākonga kua tutuki i a ia te **Taumata 2** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka tautohu, ka whakamārama anō te ākonga i ngā pūtake o te kōrero ā-waha, ā, ka tutuki i a ia āna ake pūtake kōrero, ētahi pūtake ake a te Māori, me ngā pīkaunga kōrero i te taumata tuarua o te marautanga.
Puna Reo	Ka whakamārama atu, ka whakamahi anō te ākonga i ngā āhuetanga reo me ngā whakatakoto e tutuki ai ngā pīkaunga kōrero i te taumata tuarua o te marautanga.
Rautaki Reo	Ka whakamahi, ka whakamārama anō te ākonga i ētahi rautaki e mārama ai ia ki tāna e rongona ana, e mārama anō ai ētahi atu ki ōna whakaaro.



## WHANAKETANGA 2: TAHA KŌRERO (ā-Waha)

### HE TAUIRA AROMATAWAI

#### He Whakamāramatanga – He Whakaahua i te Āhua o te Tangata

##### He Horopaki Aromatawai

He tauira aromatawai mahi kōrero tēnei. Ko tā te pouako ki ngā ākongā:

##### Hei mahi 1

*He mahi takirua tēnei. Ko te kōrero mō tētahi hoa te kaupapa. Ko tā kōrua mahi tuatahi, he matapaki i ngā momo pātai hei rapu pārongo mō tētahi hoa. Tuhia ō kōrua whakaaro ki tētahi pepa.*

##### Hei mahi 2

*He uiui tēnei mahi. Ko tētahi o kōrua hei kaiuiui. Ko tētahi hei whakautu i ngā pātai. Mehemea ko koe te kaiuiui, kei te pai*





*kia whakamahia ngā pātai i te mahi tuatahi. Ka whakautu tō hoa i aua pātai. Ka mutu te uiuitanga, ka whakawhiti kōrua i ngā mahi, arā, ka riro mā tō hoa te mahi a te kaiuiui, ko koe ki te whakautu i ngā pātai.*

##### Hei mahi 3

*Ko te mahi tuatoru, he whakapuaki kōrero mō tō hoa. Arā, he whakakao mai i ngā pārongo katoa i rapu nei koe, me te whakapuaki anō i aua pārongo hei kōrero mō tō hoa. Ko te mahi a tō hoa, he whakarongo me te whakatika i taua kōrero ina kāore i te tika ētahi āhuratanga.*

*Ka tika ana ngā kōrero, ko tāu, he kōrero mō tō hoa i mua i te akomanga.*

## WHANAKETANGA 2: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Āheinga Reo	Ka tautohu, ka whakamārama anō te ākongā i ngā pūtake o te kōrero ā-waha, ā, ka tutuki i a ia āna ake pūtake kōrero, ētahi pūtake ake a te Māori, me ngā pīkaunga kōrero i te taumata tuarua o te marautanga.		
	<p> <b>Ina whakarongo ia:</b></p> <ul style="list-style-type: none"> <li>ka pai noa tana whai i te ia o te kōrero i ngā horopaki e taunga ana ia</li> </ul>	Mutu ana te uiui, ko tāu, he whakarongo, he whakatika hoki i te kōrero a tō hoa ina kāore i te tika ētahi āhuetanga o taua kōrero.	I tika tana whai i ngā tohutohu? Ina rongo ia i tētahi āhuetanga kāore i te tika, kua whakatikaina te kōrero a tōna hoa?
	<ul style="list-style-type: none"> <li>ka tautohua ngā whakaaro matua me ngā whakaaro tautoko o roto i te kōrero.</li> </ul>	He aha ētahi pārongo pono i rongo ai koe mō tō hoa? Me pēhea koe e mōhio ai he pono aua pārongo?	I kitea mai ētahi tauira e whakaatu ana i te mārama o te ākongā ki ngā whakaaro matua me ngā whakaaro tautoko?
	<p> <b>Ina kōrero ia:</b></p> <ul style="list-style-type: none"> <li>ka whakawhiti whakaaro ia i runga i te mārama me te tōtika</li> </ul>	He aha kōrua i tiki atu ai ko ēnei pātai hei uiui? Tēnā, whakamāramatia mai.	Kua whaihua tana whakamārama?
	<ul style="list-style-type: none"> <li>ka whakapuaki kaupapa e whāia ana e ētahi atu</li> </ul>	Ko tāu, he whakakao mai i ngā pārongo katoa i rapu nei koe mō tō hoa, me te whakapuaki anō i aua pārongo hei kōrero mōna.	Ka pēhea te ia o tana kōrero? E whāia ana tana kōrero e te hunga whakarongo?
<ul style="list-style-type: none"> <li>ka tuku mihi māmā e hāngai ana ki te kaupapa me te horopaki.</li> </ul>	Ka pēhea te mihi ki tō hoa nāna āu pātai i whakautu? He aha he kōrero māu ki a ia?	Kua mau i te ākongā ngā āhuetanga o te reo mihi?	
Puna Reo	Ka whakamārama atu, ka whakamahi anō te ākongā i ngā āhuetanga reo me ngā whakatakoto e tutuki ai ngā pīkaunga kōrero i te taumata tuarua o te marautanga.		
	<p> <b>Ka whakaatu ia i tana mōhio ki:</b></p> <p></p> <ul style="list-style-type: none"> <li>te whakahua tika i ngā kupu me ngā kīanga e mōhio ana ia</li> </ul>		Kua whakamahia te reo uiui?
	<ul style="list-style-type: none"> <li>ētahi kupu me ētahi kīanga kua mau i a ia, hei whakawhiti whakaaro (pērā i ngā kupu āhua e whakaatu ana i te tangata, i te wāhi, i te taputapu, i te mahi)</li> </ul>	He aha ētahi kupu e tino whakaahua ana i tō hoa?	Kua whakamahia ngā kupu me ngā kīanga e hāngai ana ki te kaupapa?
<ul style="list-style-type: none"> <li>ngā āhuetanga reo e tika ana hei tūhono whakaaro.</li> </ul>		Kei te tika tana whakamahi i ētahi kupu tūhono whakaaro pēnei i ēnei: ā, hoki, engari.	





## WHANAKETANGA 2: TAHA PĀNUI (ā-Tā)

E hāngai ana ki te ākonga kua tutuki i a ia te **Taumata 2** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka whakamārama anō te ākonga i ngā pūtake o ngā tuhinga kei te mutunga o te taumata Kiekie (KKi), kei te taumata tuarua anō o te marautanga.
Puna Reo	Ka mārama atu, ka whakamārama anō te ākonga i ngā āhuatanga reo me ngā whakatakoto i roto i ngā tuhinga kei te mutunga o te taumata Kiekie (KKi), kei te taumata tuarua anō o te marautanga.
Rautaki Reo	Ka whakamahi, ka whakamārama anō te ākonga i ngā rautaki pānui e mārama ai ia ki ngā tuhinga kei te mutunga o te taumata Kiekie (KKi), kei te taumata tuarua anō o te marautanga.




## HE TAUIRA AROMATAWAI

### Tauira 1: Te Rou Mamao KKi (Tuhinga Pohewa)


	He paetohu	Ko tā te pouako	Ko tā te ākongā whakautu
Āheinga Reo	<p>Ka mārama atu, ka whakamārama anō te ākongā i ngā pūtaka o ngā tuhinga kei te mutunga o te taumata Kiekie (KKi), kei te taumata tuarua anō o te marautanga.</p> <p><b>☞ Ina pānui ia:</b></p> <ul style="list-style-type: none"> <li>ka tautohua e ia ngā whakaaro matua o ngā tuhinga pohewa, me ngā pārongo matua o ngā tuhinga pono me ngā kōrero tautoko o roto i te tuhinga</li> <li>ka whakaputaina, ka whakamāramahia ōna ake whakaaro ki taua tuhinga.</li> </ul>	<p><i>Ki ōu whakaaro, he aha te tino take ka hiahia kē a Koro ki te whakarongo ki te reo irirangi, kaua ki te mātaki i te pouaka whakaata hou?</i></p> <p><i>He aha i pēnei ai tō whakaaro?</i></p> <p><i>Ka pēhea mēnā ko koe te kōtiro i roto i te tuhinga?</i></p>	<p><i>He tino mea hou te rou mamao, ā, kāore a Koro i te mōhio me pēhea te whakamahi. He nui ngā tohutohu hei whakamaumahara.</i></p> <p><i>Ki a Koro, ka raruraru noa iho ia i te rou mamao.</i></p> <p><i>Māku te rou mamao e whakamahi. Ka whakaatu ahau i tētahi āhuatanga o te rou mamao ia rā, ia rā tae atu ki te wā e āhei ai a Koro ki te whakamahi ko ia anake.</i></p>
	<p>Ka mārama atu, ka whakamārama anō te ākongā i ngā āhuatanga reo me ngā whakatakoto i roto i ngā tuhinga kei te mutunga o te taumata Kiekie (KKi), kei te taumata tuarua anō o te marautanga.</p> <p><b>☞ Ka whakaatu ia i tana mōhio ki:</b></p> <ul style="list-style-type: none"> <li>ngā huihuinga oro hei āwhina i a ia ki te pānui i ngā kupu tauhou</li> <li>ētahi āhuatanga reo me te whakaputa i ōna ake whakaaro mō aua āhuatanga</li> <li>te pānui me te whakamārama i ngā tohutuhi.</li> </ul>	<p><i>Kua wehea ētahi o ngā kupu mai i te tuhinga. Whakahuatia mai ko tēhea te wehenga tika e tohu ana i te kiko tika o taua kupu ki tēnei tuhinga horopaki.</i></p> <ul style="list-style-type: none"> <li><i>Whārangi 3: āhuata-nga āhua-tanga āhu-ata-nga</i></li> <li><i>Whārangi 4: wha-kakā wha-ka-kā whaka-kā</i></li> <li><i>Whārangi 8: iri-rangi i-rira-ngi irira-ngi</i></li> </ul> <p><i>Tēnā, hangaia he rerenga kōrero ko aua kupu kei roto. Me hāngai tonu aua rerenga kōrero ki te tuhinga Te Rou Mamao.</i></p> <p><i>He mahi takirua tēnei. Ko tētahi o kōrua a Koro, ko tētahi o kōrua te kōtiro. Pānuihia ngā kōrero atu i te whārangi 4 ki te mutunga, hei whakawhitinga kōrero. Kaua e wareware ki te aro atu ki ngā tohu kōrero hei āwhina.</i></p>	<ul style="list-style-type: none"> <li><i>āhua-tanga</i></li> <li><i>whaka-kā</i></li> <li><i>iri-rangi</i></li> <li><i>āhua-tanga</i> <i>He nui ngā āhuatanga o te rou mamao.</i></li> <li><i>whaka-kā</i> <i>I whakakā te kōtiro i te pouaka whakaata.</i></li> <li><i>iri-rangi</i> <i>Ko te tino taonga ki a Koro ko te reo irirangi.</i></li> </ul> <p><i>Kaikōrero 1: "He pōuri te pikitia."</i></p> <p><i>Kaikōrero 2: "Mā tēnei ka tīni te āhua o te pikitia."</i></p>



## WHANAKETANGA 2: TAHA PĀNUI (ā-Tā)

He paetohu	Ko tā te pouako	Ko tā te ākongā whakautu
<p>Ka whakamahi, ka whakamārama anō te ākongā i ngā rautaki pānui e mārama ai ia ki ngā tuhinga kei te mutunga o te taumata Kiekie (KKi), kei te taumata tuarua anō o te marautanga.</p>		
<p> <b>Ia ia e pānui ana:</b></p> <ul style="list-style-type: none"> <li>ka whakawhitiwhiti ia i ōna wheako ake ki ngā pārongo hou i roto i te tuhinga</li> </ul>	<p><i>Tautohua tētahi taputapu hangarau. Whakamāramahia mai me pēhea te whakahaere.</i></p> <p><i>Whakaurua te rerenga kōrero "Mā tēnei ..." mai i te pukapuka ki roto i tō kōrero.</i></p>	<p><i>Te waea pūkoro.</i></p> <p><i>Ko tēnei te pātene hei whakakā, hei whakaweto.</i></p> <p><i>Mā tēnei ka tuku pānui ā-tuhi.</i></p> <p><i>Mā tēnei ka tango whakaahua.</i></p>
<ul style="list-style-type: none"> <li>ka kimi āwhina mai i ngā tānga whakaahua me te horopaki hei matapae, hei hīkaro, hei whakaū i te tikanga o te tuhinga</li> </ul>	<p><i>Kōrerohia ngā tīwhiri i roto i te pikitia e whakaatu ana i te tikanga o ēnei kupu:</i></p> <ul style="list-style-type: none"> <li><i>rou mamao (kei te whārangi 3)</i></li> <li><i>makaro (kei te whārangi 5).</i></li> </ul>	<p><i>Kei te titiro rāua ki te rou mamao. Kei te tohu ā-matiringa te kōtiro ki tētahi o ngā pātene o runga.</i></p> <p><i>Ka titiro a Koro ki te pouaka whakaata. He "ngaru" kei runga i te pikitia nō reira kāore i tino pai te āhua o taua pikitia. He kupu āhua te kupu makaro.</i></p>
<ul style="list-style-type: none"> <li>ka whakamahi i tōna mōhiotanga ki te hanganga o te reo Māori kia mārama ai ia ki ētahi kupu me ētahi rerenga kōrero hou</li> </ul>	<p><i>Me whakatau ina he kupu āhua, he kupu mahi, he kupu ingoa rānei ngā kupu kua miramirahia.</i></p> <ul style="list-style-type: none"> <li><i>Mā tēnei e whakakā te pouaka whakaata.</i></li> <li><i>He makaro te pikitia.</i></li> <li><i>Mā tēnei ka whakaritea te hongere.</i></li> <li><i>Mā tēnei ka kaha te reo.</i></li> <li><i>He pīataata te pikitia.</i></li> </ul>	<ul style="list-style-type: none"> <li><i>Kupu mahi</i></li> <li><i>Kupu āhua</i></li> <li><i>Kupu mahi kupu ingoa</i></li> <li><i>Kupu āhua</i></li> <li><i>Kupu āhua</i></li> </ul>
<ul style="list-style-type: none"> <li>ka matapaki i ngā rautaki e whai kiko ana.</li> </ul>	<p><i>He aha ngā tīwhiri kua whāia e koe e mārama ai koe ki ngā kupu e whai ake nei?</i></p> <ul style="list-style-type: none"> <li><i>pōuri (kei te whārangi 6)</i></li> <li><i>hongere (kei te whārangi 11).</i></li> </ul>	<ul style="list-style-type: none"> <li><i>Te pikitia: E rua ngā mata pouaka whakaata. Ko te mea o runga he pōuri.</i></li> <li><i>E toru noa iho ngā pou e nui ana ki te taha o te rā kei te pikitia 1, 14 ngā pou e nui ana ki te taha o te rā kei te pikitia 2.</i></li> <li><i>Ngā kupu o mua: He kaupapa maroke tēnei. Mā tēnei ka tīni te hongere.</i></li> </ul>

# WHANAKETANGA 2: TAHA PĀNUI (ā-Tā)




## Tauira 2: Te Mahi Aihikirimi KKi (Tuhinga Pono)

	He paetohu	Ko tā te pouako	Ko tā te ākonga whakautu
Āheinga Reo	<p>Ka mārama atu, ka whakamārama anō te ākonga i ngā pūtake o ngā tuhinga kei te mutunga o te taumata Kiekie (KKi), kei te taumata tuarua anō o te marautanga.</p> <p><b>🍷 Ina pānui ia:</b></p> <ul style="list-style-type: none"> <li>ka tautohua e ia ngā whakaaro matua o ngā tuhinga pohewa, me ngā pārongo matua o ngā tuhinga pono me ngā kōrero tautoko o roto i te tuhinga</li> </ul>	<p><i>Tuhia ngā tohutohu hei tohutaka kai.</i></p>	<p><b>NGĀ TOHUTOHU</b> (Whakakīngia ngā āpeta i te kupu tohutohu e tika ana)</p> <ol style="list-style-type: none"> <li><i>Papa</i> _____ atu ngā kai ki roto i te ipu</li> <li><i>Tāwhiuwhiu</i> _____ anō te rua meneti</li> <li><i>Kuhuna</i> _____ ki te pātaka tio mō te rua haora</li> <li><i>Tāngohia</i> _____ mai i te pātaka tio, Kōrororihia anō</li> <li><i>Tāwhiuwhiu</i> _____ anō mō te 1 ki te 2 meneti</li> <li><i>Tāngohia</i> _____ ki tūhū paepae</li> <li><i>Whakahokia</i> _____ ki te pātaka tio kia māō</li> </ol> <p>Whakahokia    Raua    Tāwhiuwhiu Tāringihia    Tāngohia    Kuhuna</p>
	<ul style="list-style-type: none"> <li>ka whakaputaina, ka whakamāramahia ōna ake whakaaro ki taua tuhinga.</li> </ul>	<p><i>He pai ake te mahi aihikirimi i te hoko aihikirimi?</i></p> <p><i>He aha koe i whakaaro pēnei ai?</i></p>	<p><i>He pai ki ahau te mahi aihikirimi nā te mea nāku ake.</i></p> <p><i>He pai ki ahau te hoko aihikirimi nā te mea he māmā ake.</i></p>
Puna Reo	<p>Ka mārama atu, ka whakamārama anō te ākonga i ngā āhuratanga reo me ngā whakatakoto i roto i ngā tuhinga kei te mutunga o te taumata Kiekie (KKi), kei te taumata tuarua anō o te marautanga.</p> <p><b>🍷 Ka whakaatu ia i tana mōhio ki:</b></p> <ul style="list-style-type: none"> <li>ngā huihuinga oro hei āwhina i a ia ki te pānui i ngā kupu tauhou</li> </ul>	<p><i>Hurihia ngā kupu mahi e whai ake nei hei kupu tohutohu. Pānuihia, ka tāpiri ai i te kupu tohutohu ki te whakaahua mai i te tuhinga e tika ana:</i></p> <ul style="list-style-type: none"> <li>Tāringi</li> <li>Tāwhiuwhiu</li> <li>Whakahokia</li> <li>Kōrororihia</li> <li>Kai</li> </ul>	<ul style="list-style-type: none"> <li>Tāringihia</li> <li>Tāwhiuwhiu</li> <li>Whakahokia</li> <li>Kōrororihia</li> <li>Kainga</li> </ul>
	<ul style="list-style-type: none"> <li>ētahi āhuratanga reo me te whakaputa i ōna ake whakaaro mō aua āhuratanga</li> </ul>	<p><i>Whakaingoatia ngā taputapu o roto i te tuhinga hei mahi i te aihikirimi. He aha anō ngā kupu e tohu ana he taputapu ērā?</i></p>	<ul style="list-style-type: none"> <li>kapu, tīpūnu, pātaka tio, paepae. Ko te kupu "te", "tētahi" rānei, e tū ana i mua.</li> </ul>
	<ul style="list-style-type: none"> <li>te pānui me te whakamārama i ngā tohutohu.</li> </ul>	<p><i>He aha te tohutohu e whai ana i te kupu "mai" i te whārangi 8? He aha tana tikanga?</i></p> <p><i>He aha te tohutohu e whai ana i te "Mmm" i te whārangi 12? He aha tana tikanga?</i></p>	<p><i>He piko. Ka tohu mai he kōrero tonu kei te whai ake. He wā whakatā mā te kaupānui.</i></p> <p><i>He tohuhā. Kia mōhio ai au me pēhea te whakahua. He momo whakakaha, e tohu ana he tino reka te kai.</i></p>

# WHANAKETANGA 2: TAHA PĀNUI (ā-Tā)

## Rautaki Reo

He paetohu	Ko tā te pouako	Ko tā te ākongā whakautu
<p>Ka whakamahi, ka whakamārama anō te ākongā i ngā rautaki pānui e mārama ai ia ki ngā tuhinga kei te mutunga o te taumata Kiekie (KKi), kei te taumata tuarua anō o te marautanga.</p>		
<p><b>I a ia e pānui ana:</b></p> <ul style="list-style-type: none"> <li>ka whakawhitiwhiti ia i ōna wheako ake ki ngā pārongo hou i roto i te tuhinga</li> </ul>	<p><i>Anei ngā kai me ngā whakaritenga hei tunu tōhi mō te parakuihi, engari kua hē te raupapa o ngā whakaritenga. Whakarārangihia kia tika:</i></p> <p><b>Te Tunu Tōhi</b></p> <p><i>He parāoa (kia rua)</i></p> <p><i>He pata</i></p> <p><i>He tiamu</i></p> <ul style="list-style-type: none"> <li>Pania ki te pata.</li> <li>Kainga.</li> <li>Raua te parāoa ki roto i te mīhini tōhi.</li> <li>Waiho kia piki whakarunga.</li> <li>Pania ki te tiamu.</li> <li>Pēhia te pātene kia heke whakararo.</li> </ul>	<p><b>Te Tunu Tōhi</b></p> <p><i>He parāoa (kia rua)</i></p> <p><i>He pata</i></p> <p><i>He tiamu</i></p> <ul style="list-style-type: none"> <li>Raua te parāoa ki roto i te mīhini tōhi.</li> <li>Pēhia te pātene kia heke whakararo.</li> <li>Waiho kia piki whakarunga.</li> <li>Pania ki te pata.</li> <li>Pania ki te tiamu.</li> <li>Kainga.</li> </ul>
<ul style="list-style-type: none"> <li>ka kimi āwhina mai i ngā tānga whakaahua me te horopaki hei matapae, hei hīkaro, hei whakaū i te tikanga o te tuhinga</li> </ul>	<p><i>Whakaingoatia ngā kai me ngā ine.</i></p>	
<ul style="list-style-type: none"> <li>ka whakamahi i tōna mōhiotanga ki te hanganga o te reo Māori kia mārama ai ia ki ētahi kupu me ētahi rerenga kōrero hou</li> </ul>	<p><i>Ko te nuinga o ngā kupu tohutohu i roto i te tuhinga nei he kupu mahi, kua tū anō hoki hei kupu tuatahi i te rerenga kōrero. Kua whakahāngūtia ki te -a, ki te -na, ki te -hia, ki te -nga rānei. Tautohua aua kupu tohutohu.</i></p>	<p>tāwhiuwhiua</p> <p>kuhuna</p> <p>tāringihia</p> <p>whakahokia</p> <p>kainga</p>
<ul style="list-style-type: none"> <li>ka matapaki i ngā rautaki e whai kiko ana.</li> </ul>	<p><i>Whakamāramahia mai ngā rautaki hei whakamahi e mārama ai te tikanga o tēnei tuhinga.</i></p>	<p><i>Me titiro ki ngā whakaahua – kei reira ngā taputapu, ngā kai, me ngā mahi. Kātahi ka titiro ki te papakupu. Ka whai pānga mai hoki tōku mōhio ki te tunu kai ki tēnei tuhinga.</i></p>



## WHANAKETANGA 2: TAHA PĀNUI (ā-Tā)

Ngā mahi aromatawai mō te tau 20\_\_

Handwriting practice area with horizontal dotted lines.



## WHANAKETANGA 2: TAHA TUHITUHI (ā-Tā)

E hāngai ana ki te ākonga kua tutuki i a ia te **Taumata 2** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama te ākonga ki ētahi pūtake tuhituhi me ētahi momo tuhinga, ā, ka tutuki i a ia āna ake pūtake tuhituhi, ētahi pūtake ake a te Māori, me ngā pūtake i te taumata tuarua o te marautanga.
Puna Reo	Ka mārama atu, ka whakamahi anō te ākonga i ngā āhuatanga reo me ngā whakatakoto i roto i āna tuhituhi i te taumata tuarua o te marautanga.
Rautaki Reo	Ka mārama atu, ka whakamahi anō te ākonga i ngā rautaki āhua huhua nei kua tohua i te taumata tuarua o te marautanga hei whakaputa i ōna whakaaro i roto i āna tuhinga.

### HE TAUIRA AROMATAWAI

#### Kēmu Rorohiko (Whakaahua)


##### Te Horopaki Ako mō “Kēmu Rorohiko”

Ko te kaupapa ako, ko ngā mea e kaingākauria ana e ngā ākonga. I tuhia tēnei tauira i te wā o te tuhituhi māhorahora. Ko te pūtake tuhituhi ko te whakaahua i tētahi mea e kaingākauria ana e te ākonga, ā, ko te kaupapa o tēnei tuhinga whakaahua ko ngā kēmu rorohiko. Ko te hunga pānui ko ōna hoa. He tuhinga hukihuki tēnei tuhinga. Ā, i te tuhinga tuarua, kua tirohia, kua whakatikaina hoki e te kaituhi me te kaiako ngā hapa, ā, kua patopatohia ki te rorohiko hei whakaputa.

He tuhinga whakaahua tēnei e whakaatu ana i:

- ngā tūāhuatanga o tētahi mahi
- ngā āhuatanga reo o te whakaahua
- ngā wāhanga o te whakaahua.

#### Tā te ākonga mahere ohia manomano



## WHANAKETANGA 2: TAHA TUHITUHI (ā-Tā)

### Tā te ākongā tuhinga hukihuki

Kua tuhia te tapanga hei tautohu i te kaupapa o te whakaahua.

Kua whakaahuatia tōna āhuareka ki te korikori ki te rorohiko.

Reo ā-kaupapa – kaingākau, rorohiko, YouTube, kiriata.

Kua tuhia e ia he whakaahuatanga anō mō ngā painga mōna o te toro haere ki hōtaka kē atu o te rorohiko.

*Kēmu Rorohiko*  
Ko te mea e kaingākau ana  
ki ahau ko te tākaro kēmu ki runga i  
te rorohiko. He pai te tākaro ki runga i  
te rorohiko nā te mea ka taea ki te mahi  
peita, haere ki runga i te YouTube, te tākaro  
kēmu me te mahi kōrero ki runga i te  
Wii. Engari ko te kēmu e kaingākau  
rawa atu ki ahau ko te Mini Clip. Nā te  
mea he maha ngā momo kēmu kei  
runga i a. Ko te kēmu e kaingākau ana  
2 ko te haere ki runga i te YouTube  
nā te mea ka taea ki te whakarongo. Ki  
ngā kaiwaiata pērā i a Justin  
Bieber, a Stan Walker, a Mikaire Hakihana rātou  
ko Usher, rānei ka taea ki te  
mātakitaki i ngā momo kiriata pērā  
i ngā mea waiata, ngā mea whawhai me  
ngā mea kanikani.

Kua tuhia te whakatakinga o te whakaahua.

Kua whakaahuatia ko ēhea pūmanawa rorohiko e kaingākauria ana e ia.

... nā te mea ka taea ki te whakarongo ...

... nā te mea ka whai wāhi ahau ki te whakarongo ...

... rānei ka taea ...

... ka taea rānei te ....

### Tā te ākongā tuhinga whakaputa

## Kēmu Rorohiko


Ko te mea e kaingākau ana ki ahau ko te tākaro kēmu ki runga i te rorohiko. He pai te tākaro ki runga i te rorohiko nā te mea ka taea e au te mahi peita, haere ki runga i te YouTube, te tākaro kēmu, me te mahi kōrero ki runga i te Wii. Engari ko te kēmu e kaingākau rawa atu ki ahau ko te Mini Clip nā te mea he maha ngā momo kēmu. Ko te mea e kaingākau tuarua ki ahau ko te haere ki runga i te YouTube nā te mea ka whai wāhi ahau ki te whakarongo ki ngā kaiwaiata pērā i a Justin Bieber, a Stan Walker, a Mikaire Hakihana, rātou ko Usher, ka taea rānei te mātakitaki i ngā momo kiriata pērā i ngā mea waiata, ngā mea whawhai me ngā mea kanikani.

## WHANAKETANGA 2: TAHA TUHITUHI (ā-Tā)

	He paetohu	Hei aronga mā te pouako	Te taunakitanga
Āheinga Reo	Ka mārama te ākongā ki ētahi pūtake tuhituhi me ētahi momo tuhinga, ā, ka tutuki i a ia āna ake pūtake tuhituhi, ētahi pūtake ake a te Māori, me ngā pūtake i te taumata tuarua o te marautanga.		
	<p>⏏ <b>Ina tuhi ia:</b></p> <ul style="list-style-type: none"> <li>ka hanga tuhinga ia e pā ana ki tētahi kaupapa mā te hunga pānui kua tautohua</li> <li>ka tika tana whakaraupapa i āna tuhinga kia mārama ai ōna whakaaro ki tētahi atu.</li> </ul>	<p>Kua kōwhiria e te kaituhi tāna tino mahi, arā, ko ngā kēmu rorohiko tērā. Kua whakaarohia e te kaituhi he aha ia i kaingākau ai ki ngā kēmu rorohiko. Kua whiriwhiria hoki ko wai te hunga pānui.</p> <p>Kua mārama te kaituhi ki te whakaraupapa tika i ana pārongo ki roto i ngā wāhanga o te whakaahua whānui, arā, ko te tapanga, te whakamāramatanga, te whakaahuatanga, me te whakakapanga.</p>	<p>Tirohia te rerenga tuhituhi tuatahi.</p> <p>Kua whakaraupapatia tana tuhinga kia pēnei:</p> <p>He rerenga mō te whakamāramatanga iti hei whakataka i te kaupapa; e toru ngā kōwae hei whakaahua i tōna āhuareka; kotahi te kōwae, te whakaaro whānui hei whakakapi i te tuhinga.</p>
Puna Reo	Ka mārama atu, ka whakamahi anō te ākongā i ngā āhuatanga reo me ngā whakatakoto i roto i āna tuhituhi i te taumata tuarua o te marautanga.		
	<p>⏏ <b>Ka whakaatu ia i tana mōhio ki:</b></p> <ul style="list-style-type: none"> <li>ētahi kupu hei whakaatu i ōna kare ā-roto me ōna whakaaro, me ētahi kupu e hāngai ana ki āna kaupapa tuhituhi</li> <li>te whakamahi i te tohu pātai me te tohuhā</li> <li>te tātaki tika i te nuinga o ngā kupu e tuhia ana e ia me te whakamahi i te tohutō</li> <li>ētahi momo tīmatanga rerenga me te whakaraupapa arorau i āna rerenga</li> <li>ētahi āhuatanga reo e hāngai ana ki te pūtake tuhituhi pērā i te reo raupapa (taki), me te reo tapa (pepeha).</li> </ul>	<p>Kua whakamahia e ia ētahi kupu ā-kaupapa.</p> <p>Kua mārama hoki ia ki te whakakapi i tana tuhinga ki tētahi whakaaro whaiaro.</p> <p>Kua tātaki tika i te nuinga o ngā kupu, ā, kua whakamahi tika i te tohutō i te nuinga o ngā kupu e whai tohutō ana.</p> <p>Kua whakamahia e ia ētahi momo tīmatanga rerenga.</p> <p>Kua mārama ia ki te whakaraupapa arorau i āna rerenga.</p> <p>Kua tuhia e ia ētahi āhuatanga reo o te whakaahua whānui, arā, ko te kupu ingoa, te kupu āhua, me te reo ā-kaupapa.</p>	<p>Te reo ā-kaupapa: <i>rorohiko, tākaro kēmu, YouTube, kiriata</i></p> <p>Whakaaro whaiaro: <i>kaingākau, ko te mea e kaingākau ...</i></p> <p>Kāore e hāngai ana ēnei momo kārawarawatanga ki tēnei momo tuhinga.</p> <p>Kei te tika te tohutō i ēnei kupu: <i>ngā, kaingākau (i ētahi wā), kōrero, rānei, rātou,</i></p> <p>Kāhore ia i whakamahi i te tohutō ki ēnei kupu: <i>tākaro, kēmu, nā te mea, pōuri</i></p> <p>Tirohia te tauira: <i>Ko te mea ...</i> <i>He pai ...</i> <i>Engari ko ....</i> <i>Ka taea ...</i></p> <p>Kupu ingoa: <i>rorohiko, kiriata, kēmu, YouTube, Mini Clip, Super Power</i></p> <p>Kupu āhua: <i>kaingākau, maha, pōuri, harikoa</i></p> <p>Reo ā-kaupapa: <i>YouTube, Mini Clip, Super Power, kiriata</i></p>



## WHANAKETANGA 2: TAHA TUHITUHI (ā-Tā)

	He paetohu	Hei aronga mā te pouako	Te taunakitanga
Rautaki Reo	Ka mārama atu, ka whakamahi anō te ākongā i ngā rautaki āhua huhua nei kua tohua i te taumata tuarua o te marautanga hei whakaputa i ōna whakaaro i roto i āna tuhinga.		
	 <b>I a ia e tuhi ana:</b> <ul style="list-style-type: none"> <li>ka whakamahi ia i ētahi o ngā anga whakamahere kia pai ai te whakakaupapa, te whakawhanake hoki i ngā whakaaro</li> </ul>	Kua tuhia e ia te ohia manomano hei kohikohi i ōna whakaaro, hei whakawhanake i ōna whakaaro.	Tirohia te mahere ohia manomano.
	<ul style="list-style-type: none"> <li>ka arotake, ka whakatika haere i āna tuhituhi kia mārama ake ai ngā tuhinga.</li> </ul>	Te tautoko atu i te ākongā ki te whakatika i āna hapa.	I tuhinga kē, kua kitea te whakatika a te ākongā i āna hē, i āna hapa tātaki kupu, hapa wetereo.

### He Rauemi Tautoko

*He Tuhinga Whakaahua.* He Manu Tuhituhi. Aronui Ltd (2008), whārangi 35–50 me 72–75.

*Hei Korowai Tuatahi mō te Marautanga Reo Māori: Te whakamahi i te marau reo Māori.* Te Tāhuhu o te Mātauranga (2008), whārangi 49–51.

*Ka Rere te Manu ki te Ao Tuhituhi.* Aronui Ltd (2008), whārangi 28–31 me 161–173)



## WHANAKETANGA 2: TAHA TUHITUHI (ā-Tā)

Ngā mahi aromatawai mō te tau 20\_\_

A series of horizontal dotted lines for writing.



# WHANAKETANGA 3: TAHA KŌRERO (ā-Waha)

E hāngai ana ki te ākongā kua tutuki i a ia te **Taumata 3** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka tātari te ākongā i ngā pūtake me ngā horopaki o te kōrero ā-waha, ā, ka tutuki i a ia āna ake pūtake kōrero, ētahi pūtake ake a te Māori, me ngā pīkaunga kōrero i te taumata tuatoru o te marautanga.
Puna Reo	Ka tātari, ka whakamahi anō te ākongā i ngā āhuatanga reo me ngā whakatakoto e tutuki ai ngā pīkaunga kōrero i te taumata tuatoru o te marautanga.
Rautaki Reo	Ka tātari, ka whakamahi anō te ākongā i ngā rautaki e mārama ai ia ki tāna e rongō ana, e mārama anō ai ētahi atu ki ōna whakaaro.

## HE TAUIRA AROMATAWAI

### Te Tātari Kōrero – He Mahi Tūhura

#### He Horopaki Aromatawai

He mahi rangahau tēnei, hei wāhanga o ngā mahi o te akomanga. Tērā pea ko te kaupapa whānui e arotahia ana e te akomanga, koia hei horopaki mō ngā tūhuratanga. Heoi, ko te kaupapa rangahau e whai ake nei, he tauira noa iho:


- He waea pūkoro ā te nuinga o ngā ākonga i tō kura. He aha te momo waea kua whiwhi rā te nuinga?
- Mā hea atu ngā ākonga ki te kura, ā, pēhea nei te roa o te haere?

Ko ngā mahi mā te ākonga:





- he patapatai i ētahi atu ākonga.
- he whakaatu i ngā pārongo ka hua ake ki tētahi hunga whakarongo, ā, kia mārama tonu te whakaaturanga.

Ko te tikanga, kia kapi i te ākonga ēnei mea i tana whakaaturanga:



- he whakamārama i te kaupapa o te tūhuratanga, me te huarahi whakatutuki i whāia;
- he whakaahua, he whakamāori i ngā kōrero i puta ake;
- he whakamahi i ngā kupu whāiti e tika ana hei whakaahua, hei whakamārama i te huarahi tūhura i whāia, me ngā kōrero i puta ake.



# WHANAKETANGA 3: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Āheinga Reo	Ka tātari te ākongā i ngā pūtaka me ngā horopaki o te kōrero ā-waha, ā, ka tutuki i a ia āna ake pūtaka kōrero, ētahi pūtaka ake a te Māori, me ngā pīkaunga kōrero i te taumata tuatoru o te marautanga.		
	<p> <b>Ina whakarongo ia:</b></p> <ul style="list-style-type: none"> <li>ka mārama ia ki ngā whakaaro o te kaikōrero i ngā horopaki e taunga ana ia</li> </ul>	<i>He aha, ki a koe, te tino tikanga o tana kōrero?</i>	
	<ul style="list-style-type: none"> <li>ka tautohu, ka tātari ia i ngā kupu, ngā kīanga, me ngā pārongo matua o roto i te kōrero</li> </ul>	<i>He aha ētahi kupu hou, kōrero hou i puta i te patapatainga?</i>	He pēhea te tika, te kaha rānei o tana tātari i ngā whakautu a te kaikōrero?
	<ul style="list-style-type: none"> <li>ka tautohua, ka matapakitia ngā āhuatanga o te kōrero e whakaata ana i te whāinga a te kaikōrero.</li> </ul>	<i>He aha te mea i rongo ai koe, i pērā ai tō whakaaro?</i>	I whakaatuhia ngā tino kitenga o te tūhuratanga?
	<p> <b>Ina kōrero ia:</b></p> <ul style="list-style-type: none"> <li>ka whakawhiti whakaaro ia i runga i te tōtika i ngā horopaki ōkawa me ngā horopaki ōpaki e āhua taunga ana ia</li> </ul>	<i>Tēnā whewherangia mai tō whakaaro. He aha ngā kitenga matua? He kitenga atu anō i puta i te rangahautanga?</i>	He pēhea nei te mārama o te whakapuaki a te ākongā i ōna whakaaro?
	<ul style="list-style-type: none"> <li>ka uru mai ngā kupu me ngā kōrero e hāngai ana ki te horopaki, te kaupapa, me te hunga whakarongo</li> </ul>	<i>He aha ētahi kupu, ētahi kōrero rānei ka whakamahia i te wā e whakaatuhia ana ngā kitenga o tētahi mahi rangahau?</i>	I whakamahia ngā kupu whāiti e hāngai ana ki te tūhuratanga i roto i tana whakaaturanga?
<ul style="list-style-type: none"> <li>ka whakapuaki ia i ngā momo kōrero Māori taketake ake i ngā horopaki e taunga ana ia.</li> </ul>	<i>Ka pēhea tō mihi ki te hunga ka uiuia?</i>	I pēhea te hāngai o āna mihi, o āna whakatau i te tangata, o āna momo kōrero Māori taketake ki te kaupapa me te horopaki?	
Puna Reo	Ka tātari, ka whakamahi anō te ākongā i ngā āhuatanga reo me ngā whakatakoto e tutuki ai ngā pīkaunga kōrero i te taumata tuatoru o te marautanga.		
	<p> <b>Ka whakaatu ia i tana mōhio ki:</b></p> <p></p> <ul style="list-style-type: none"> <li>te rere, te tangi, me te mita o te reo Māori</li> </ul>		I pēhea te tika me te hāngai o tana reo ki te kaupapa me te horopaki?
	<ul style="list-style-type: none"> <li>ētahi kīwaha me ētahi reo peha</li> </ul>	<i>Tēnā, kimihia ētahi whakataukī, kīwaha rānei hei whakakapi i ngā kitenga matua.</i>	
	<ul style="list-style-type: none"> <li>te maha tonu o ngā kupu taurite me ngā kupu āhua</li> </ul>	<i>Tēnā, kōrerotia mai anō – ki ētahi kupu kē atu.</i>	I mōhio anō ia ki ētahi kupu taurite, ētahi kupu āhua, ētahi kīwaha rānei hei whakawhānui, hei whakaniko i te kōrero?
	<ul style="list-style-type: none"> <li>ētahi āhuatanga reo hei whakanikoniko i te whakaaro (hei tauira, ko te tāruarua, ko te huarite).</li> </ul>	<i>He aha i pēnā ai te whakatakoto i te kōrero?</i>	

## WHANAKETANGA 3: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Rautaki Reo	Ka tātari, ka whakamahi anō te ākongā i ngā rautaki e mārama ai ia ki tāna e rongō ana, e mārama anō ai ētahi atu ki ōna whakaaro.		
	 <b>I a ia e whakarongo ana,</b>  <b>e kōrero ana:</b>		
	<ul style="list-style-type: none"> <li>ka kimi māramatanga ina kore ia e mārama ki te tikanga o te kōrero</li> </ul>	<i>Whakaarohia ētahi pātai hei akiaki i te kaikōrero (te hunga ka uiuia), kia whakawhānui ake, kia whakamārama ake i ōna whakaaro.</i>	Ina kore ia e mārama ki te tikanga o te kōrero e rongō ana ia, ka pēhea tana kimi māramatanga?
	<ul style="list-style-type: none"> <li>ka tiki kōrero kē atu hei whakaatu i ana whakaaro, ka whakatika rānei i ana kōrero, e mārama ai ōna whakaaro ki te kaiwhakarongo</li> </ul>	<i>Tēnā koa homai he tauira hei tautoko i tō whakaaro/whakapae. He aha te tikanga o tēnā kōrero?</i>	Ka taea e te ākongā te whakaatu ōna whakaaro, ōna huatau kia mārama ai ki te kaiwhakarongo?  Ka taea e ia te whai kia mārama ake ana kōrero, ana whakaaro?
<ul style="list-style-type: none"> <li>ka kuhu atu ki tētahi kōrerorero i runga i te tika me te mārama ki ngā tikanga o te kōrerorero.</li> </ul>	<i>Me noho tōpū koutou ki te matapaki i te kaupapa nei kia mārama ai ngā tino kitenga o te tūhuratanga nei.</i>	I a ia e matapaki ana i te kaupapa ki ōna hoa, i tika tana kuhu atu ki te kōrerorero?	

### Ētahi Atu Tauira Aromatawai: Te Tātari Kōrero

Ko tā te ākongā:

- he whakaari:
  - i te tū hei māngai mō te akomanga, ka inoi ai kia tū he rā mau kaka kāinga ki te kura.
  - i te kaikōrero ka tū ki te whakatau i ngā tamariki o kura kē kua tae mai ki te whakataetae hākinakina.
  - i te tū hei māngai mō te akomanga ki te poroporoaki i te pouako e neke ana ki tāone kē noho ai.
- he taki anō i te pūrākau hei whakaari, ko te horopaki me whakaatu ā-waha, me te āta tautohu anō i ngā kiripuaki kia āta mōhiotia ai ko wai a wai
  - he rāwekeweke i te takoto o ētahi rerenga kōrero e puta ai he tauira kē atu o te rerenga kōrero ā-waha.
  - he whakamārama i tāna whakamahi i tētahi "taputapu whakaaro", pēnei i te KWHL<sup>1</sup>, i te mahere ariā, i te tātaritanga SWOT<sup>2</sup> rānei.
  - he tātari, he whakamārama anō i ngā āhuratanga i hua ake i tētahi tūhuratanga, i tētahi whakamātautau rānei (he mea nāna tonu i whakahaere, nā tētahi kē rānei).

<sup>1</sup> KWHL – What do I Know, What do I want to know, How will I find out, What have I Learnt. Tirohia [www.graphic.org/kwhtml.html](http://www.graphic.org/kwhtml.html).

<sup>2</sup> te tātaritanga SWOT – strengths, weaknesses, opportunitites, threats. He tātari tirohanga whānui ki tētahi kaupapa e kitea ai ngā āhuratanga katoa, ahakoa pai, ahakoa aha noa iho nei.


# WHANAKETANGA 3: TAHA PĀNUI (ā-Tā)

E hāngai ana ki te ākonga kua tutuki i a ia te **Taumata 3** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka tātari anō te ākonga i ngā pūtake o ngā tuhinga kei waenga o te taumata Pīngao (KPe), kei te taumata tuatoru anō o te marautanga.
Puna Reo	Ka mārama atu, ka tātari anō te ākonga i ngā āhuratanga reo me ngā whakatakoto i roto i ngā tuhinga kei waenga o te taumata Pīngao (KPe), kei te taumata tuatoru anō o te marautanga.
Rautaki Reo	Ka tātari, ka whakamahi anō te ākonga i ētahi rautaki pānui e mārama ai ia ki ngā tuhinga kei waenga o te taumata Pīngao (KPe), kei te taumata tuatoru anō o te marautanga.



# WHANAKETANGA 3: TAHA PĀNUI (ā-Tā)




## HE TAUIRA AROMATAWAI

### Tauira 1: Te Toa o te Rā KPe (Tuhinga Pohewa)

	He paetohu	Ko tā te pouako	Ko tā te ākonga whakautu
Āheinga Reo	Ka mārama atu, ka tātari anō te ākonga i ngā pūtake o ngā tuhinga kei waenga o te taumata Pīngao (KPe), kei te taumata tuatoru anō o te marautanga.		
	<p><b>☞ Ina pānui ia:</b></p> <ul style="list-style-type: none"> <li>ka whakarāpopotonga e ia ngā whakaaro matua o ngā tuhinga pohewa me ngā pārongo matua o ngā tuhinga pono, ā, ka tautohu anō i ngā wāhanga o te tuhinga e tautoko ana i ngā kōrero matua</li> </ul>	<p><i>Tīpakohia tētahi o ngā whakataukī e whai ake nei (tētahi atu rānei) hei whakamārama i ngā kaupapa matua o te tuhinga.</i></p> <ul style="list-style-type: none"> <li>Ahakoā he iti he pounamu</li> <li>Iti rearea, kahikatea ka taea</li> <li>He namu pea ahau</li> </ul>	<ul style="list-style-type: none"> <li>Ahakoā he iti he pounamu Kāore a Teowai e āhei ana ki te tākaro mō te tīma pakeke o Waiapu nā te mea kei te tamariki tonu ia. I te wehenga rua o te kēmu ko Matakaoa, te tīma hoariri, ka whara katoa ngā kairīwhi o te tīma o Waiapu. Ka oma atu a Teowai ki runga i te papa tākaro, ka piro ia, ā, ka toa te tīma o Waiapu.</li> </ul>
	<ul style="list-style-type: none"> <li>ka tautohua, ka matapakitia e ia te hanga me ngā āhuatanga o te tuhinga e tohu ana i te pūtake a te kaituhi</li> </ul>	<p><i>He aha ētahi tikanga kua whāia e te kaituhi i te whārangi 12 hei whakaatu i te ohore ko Teowai tonu tērā kua eke ki te papa tākaro?</i></p>	<p><i>Ko ngā tongi tāruarua me te pātai ki te rerenga kōrero "Ko ... ko ... Teowai?"</i></p> <p><i>Ko te kupu "Āi" he kupu ohore.</i></p> <p><i>Ko te kōrero "Ka mau te wehi!"</i></p>
	<ul style="list-style-type: none"> <li>ka whakaputa ia i ōna ake whakaaro ki taua tuhinga, ā, ka tautohu tauira mai i te tuhinga e whakatauiria ana i ōna whakaaro.</li> </ul>	<p><i>Homai ōu whakaaro mō tēnei tuhinga – mō ngā wāhanga pea e tino pai ana ki a koe. Whakamāramahia he aha koe i whakaaro pēnei ai.</i></p>	<p><i>He tino pai te pikitia kei te whārangi 5. Ka kite au he tama tino iti a Teowai nā te mea he nui ake te pēke whutupōro i a ia.</i></p> <p><i>He pai ki te kite i wini i a Teowai te kēmu, nā tana piro me tana whana i te pōro i waenga i ngā pou. He toa ia.</i></p>
Puna Reo	Ka mārama atu, ka tātari anō te ākonga i ngā āhuatanga reo me ngā whakatakoto i roto i ngā tuhinga kei waenga o te taumata Pīngao (KPe), kei te taumata tuatoru anō o te marautanga.		
	<p><b>☞ Ka whakaatu ia i tana mōhio ki:</b></p> <ul style="list-style-type: none"> <li>te pānui wawe i ngā kupu</li> </ul>	<p><i>Pānuihia ā-wahatia mai ngā kōrero mai i te whārangi 12 ki te mutunga.</i></p>	<p>Ka arongia e te ākonga ngā tohutuhi, ā, e huatau ana te pānuitanga mai o ngā kupu. Kei te pai tonu mēnā ka wehewehe ia i ētahi o ngā kupu hou, engari ko te painga atu mēnā ka pānui anō ia i aua kupu kia kotahi ai.</p>
	<ul style="list-style-type: none"> <li>ētahi āhuatanga reo me te pānga o ēnei ki te momo tuhinga, ki te kaupapa, ki te kaupānui rānei</li> </ul>	<p><i>Whakamāramatia mai ki āu ake kupu te huahuatau nei: "Haruru ana te whenua o Te Tai Rāwhiti i te rongonui o tēnei tīma." (Whārangi 4)</i></p>	<p><i>Tokomaha ngā tāngata e mōhio ana i tēnei tīma. He rongonui te tīma.</i></p>
	<ul style="list-style-type: none"> <li>ngā tohutuhi hei whakapai ake i te wehewehenga o ngā whakaaro, i te piki me te heke o te reo, tae atu ki te mārama o te kōrero.</li> </ul>	<p><i>Hei aha ngā tongi tāruarua "... " i te whārangi 12 me te 13?</i></p> <p><i>Hei aha ngā tongi tāruarua "... " i te whārangi 16?</i></p>	<p><i>E tohu mai ana he kōrero ohore tēnei.</i></p> <p><i>E tohu mai ana he kupu, he kōrero tonu e whai mai ana.</i></p>



## WHANAKETANGA 3: TAHA PĀNUI (ā-Tā)

He paetohu	Ko tā te pouako	Ko tā te ākonga whakautu
<p>Ka tātari, ka whakamahi anō te ākonga i ētahi rautaki pānui e mārama ai ia ki ngā tuhinga kei waenga o te taumata Pīngao (KPe), kei te taumata tuatoru anō o te marautanga.</p>		
<p> <b>I a ia e pānui ana:</b></p> <ul style="list-style-type: none"> <li>ka whakahāngai ia i tōna mōhio ki te kaupapa me te horopaki, me ōna wheako ki te ao, kia mārama ai ngā pārongo hou</li> </ul>	<p><i>Ka aha mai ngā kaitautoko, ngā kaitākaro o roto i te tuhinga nei ki te whakaatu mai he uri kotahi rātou?</i></p> <p><i>He aha tētahi wā i kite ai koe i te kotahitanga o tō iwi, o tō hapū, o tō whānau rānei?</i></p>	<p><i>Ka haka tahi rātou.</i></p> <p><i>He tangihanga, he hui, he whakataetae tākaro ...</i></p>
<ul style="list-style-type: none"> <li>ka aro atu ia ki ngā tīwhiri o roto i ngā tānga whakaahua</li> </ul>	<p><i>Kei tēhea whārangi ngā pikitia e tohu ana i te kaha tautoko a Teowai i te tīma o Waiapu? He aha koe i tautohu ai i ērā?</i></p>	<p><i>Whārangi 5 – E kawē ana ia i ngā pōro ki te parakitihī.</i></p> <p><i>Whārangi 11 – E āwhina ana ia i ngā kairīwhi.</i></p> <p><i>Whārangi 16 – E haka ana ia ki te taha o te tīma.</i></p>
<ul style="list-style-type: none"> <li>ka tātari i te hanganga o te kupu hou, o te rerenga hou rānei hei hīkaro i te tikanga, ka titiro ai ki te papakupu hei whakaū i tāna i whakapae ai</li> </ul>	<p><i>Whakamāramahia ēnei kupu e hāngai pū ana ki te kēmu whutuporo. Whakaarohia ake te hanga o aua kupu, ngā kupu o mua, o muri rānei me te horopaki.</i></p> <ul style="list-style-type: none"> <li><i>rutu</i></li> <li><i>kaitākaro</i></li> <li><i>hoariri</i></li> <li><i>ka piro</i></li> <li><i>whana kīnaki</i></li> </ul>	<ul style="list-style-type: none"> <li><i>rutu – te turaki i te tangata kia kore ai ia e rere whakamua.</i></li> <li><i>kaitākaro – te tangata e tākaro ana i te kēmu whutupōro.</i></li> <li><i>hoariri – ngā tāngata ki tērā atu tīma whutupōro.</i></li> <li><i>ka piro – ka tae pai ki te rārangi o te hoariri, e 5 ngā whiwhinga ki tō tīma.</i></li> <li><i>whana kīnaki – ko te tīma ka piro, ka āhei ki te whana i te pōro kia riro mai ai he whiwhinga anō.</i></li> </ul>
<ul style="list-style-type: none"> <li>ka tātari i te hāngai, i te whai kiko o ngā rautaki mai i tana puna rautaki pānui.</li> </ul>	<p><i>He aha ngā tīwhiri e tohu ana he tino kaitautoko a Teowai i te tīma o Waiapu?</i></p>	<p><i>Ngā pikitia i ngā whārangi 5, 6, 11, me 16.</i></p> <p><i>Ngā rerenga kōrero – ka tae tuatahi ia ki ngā parakitihī me ngā kēmu, ka omaoma haere ia i te taha o ngā kaitākaro, ahakoa ka haere te tīma ki takiwā kē atu, ka whai atu ia ...</i></p>







## Tauira 2: Hangarua 3 KPe (Tuhinga Pono)

He paetohu	Ko tā te pouako	Ko tā te ākonga whakautu
<p>Ka mārama atu, ka tātari te ākonga i ngā pūtake o ngā tuhinga kei waenga o te taumata Pīngao (KPe), kei te taumata tuatoru anō o te marautanga.</p>		
<p><b>Ina pānui ia:</b></p> <ul style="list-style-type: none"> <li>ka whakarāpopotongia e ia ngā whakaaro matua o ngā tuhinga pohewa me ngā pārongo matua o ngā tuhinga pono, ā, ka tautohu anō i ngā wāhanga o te tuhinga e tautoko ana i ngā kōrero matua</li> </ul>	<p><i>Tāngia he pikitia, me te tuhi i āu ake kōrero e whakamārama ana i te hangarua o ngā kēne konumohe.</i></p> <div data-bbox="587 705 1026 1406"> <p><b>Te hangarua kēne konumohe</b></p> </div>	
<ul style="list-style-type: none"> <li>ka tautohua, ka matapakitia e ia te hanga me ngā āhuatanga o te tuhinga e tohu ana i te pūtake a te kaituhi</li> </ul>	<p><i>Me pēhea te whakatakoto i te tuhinga kia kitea ai te raupapa o te hangarua i ngā taputapu para?</i></p>	<p><i>He whakamārama me tētahi whakaahua kei ia wāhanga e tohu ana i te hangarua. He kōrero anō mō te otinga.</i></p>
<ul style="list-style-type: none"> <li>ka whakaputa ia i ōna ake whakaaro ki taua tuhinga, ā, ka tautohu tauira mai i te tuhinga e whakatauiria ana i ōna whakaaro.</li> </ul>	<p><i>He aha tētahi wāhanga o te tuhinga pono nei he pārongo hou ki a koe?</i></p>	<p><i>Te hangarua kēne konumohe pērā i te kēne Coke. Kāore ahau i mōhio tērā pea ka hoki mai hei arapiki, hei paipa hoki.</i></p>

## WHANAKETANGA 3: TAHA PĀNUI (ā-Tā)

	He paetohu	Ko tā te pouako	Ko tā te ākongā whakautu
Puna Reo	Ka mārama atu, ka tātari anō te ākongā i ngā āhuatanga reo me ngā whakatakoto i roto i ngā tuhinga kei waenga o te taumata Pīngao (KPe), kei te taumata tuatoru anō o te marautanga.		
	 <b>Ka whakaatu ia i tana mōhio ki:</b> <ul style="list-style-type: none"> <li>te pānui wawe i ngā kupu</li> </ul>	<i>Pānuhia ā-wahatia mai ngā kōrero mai i te wharangi 8 ki te mutunga. E hiahia ana ahau ki te whakarongo ki te rere o te kupu i a koe e pānui ana.</i>	Ka pānui wawe mai te ākongā i ngā kupu. Kei te pai tonu mēnā ka wehewehe ia i ētahi o ngā kupu hou, engari ko te painga atu mēnā ka pānui anō ia i aua kupu hei kupu kotahi. Kei te tika tana mita i a ia e pānui ana.
	<ul style="list-style-type: none"> <li>ētahi āhuatanga reo me te pānga o ēnei ki te momo tuhinga, ki te kaupapa, ki te kaipānui rānei</li> </ul>	<i>He aha ētahi rerenga kōrero e tino whakaatu ana ko te kaupapa o te tuhinga, ko te hangarua?</i>	<i>Ka hoki papa konumohe mai. Ka hangaia anō he mea konumohe. Ka hoki whakapuru mata kōata mai. Ka hoki hangarua mai hei pounamu kākāriki, hei pounamu kōataata, hei pounamu parauri.</i>
	<ul style="list-style-type: none"> <li>ngā tohutuhi hei whakapai ake i te wehewehenga o ngā whakaaro, i te piki me te heke o te reo, tae atu ki te mārama o te kōrero.</li> </ul>	<i>Hei aha ngā tongi tāruarua [...] kei te whārangi 2?</i>	<i>Kia mōhioitia ai he kōrero anō kei te whai mai.</i>
Rautaki Reo	Ka tātari, ka whakamahi anō te ākongā i ētahi rautaki pānui e mārama ai ia ki ngā tuhinga kei waenga o te taumata Pīngao (KPe), kei te taumata tuatoru anō o te marautanga.		
	 <b>I a ia e pānui ana:</b> <ul style="list-style-type: none"> <li>ka whakahāngai ia i tōna mōhio ki te kaupapa me te horopaki, me ōna wheako ki te ao, kia mārama ai ngā pārongo hou</li> </ul>	<i>He aha ngā mahi hangarua ki tō kura, ki tō kāinga, ki tō hāpori? He pēhea te āhua o taua hangarua?</i>	<i>He ipu mō ngā para kai kei te kura – hei whāngai i te poaka. He pouaka mō ngā taonga hangarua kei te kāinga. Tae mai ai tētahi waka ia wiki ki te tiki. Ko ngā pēke kirihou mai i te hokomaha hei hari hoki i aku kai ki te kura.</i>
	<ul style="list-style-type: none"> <li>ka aro atu ia ki ngā tiwhiri o roto i ngā tānga whakaahua</li> </ul>	<i>Ko ēhea ngā whakaahua e tohu ana i te otinga, i ngā hua rānei o te mahi hangarua?</i>	<i>Whārangi 10, 13, me te 15.</i>
	<ul style="list-style-type: none"> <li>ka tātari i te hanganga o te kupu hou, o te rerenga hou rānei hei hīkaro i te tikanga, ka titiro ai ki te papakupu hei whakaū i tāna i whakapae ai</li> </ul>	<i>He aha ngā kupu hou ki a koe? Whakamāramahia mai ētahi o aua kupu.</i>	<i>Paepae parahanga, kōrere, pēre, whakapuru mata kōata, konumohe, pounamu kōataata, tohitū. Konumohe – he momo maitai. Ka hangaia ngā kēne inu ki te konumohe. Pounamu kōataata – he pounamu kāore he kara.</i>
<ul style="list-style-type: none"> <li>ka tātari i te hāngai, i te whai kiko o ngā rautaki mai i tana puna rautaki pānui.</li> </ul>	<i>He aha ngā rautaki kua whāia e koe kia mārama ai koe ki te tikanga o ngā rerenga kōrero?</i>	<ul style="list-style-type: none"> <li>Te wetewete i te kupu – kai/wehe, kiri/hinu, hanga/rua</li> <li>Te kimi āwhina mai i ngā pikitia mō ēnei kupu: kōrere, whā pere, paepae tino nui, whakapuru mata kōata, pounamu kōataata.</li> </ul>	



## WHANAKETANGA 3: TAHA PĀNUI (ā-Tā)

Ngā mahi aromatawai mō te tau 20\_\_

A series of horizontal dotted lines for writing practice, spanning the width of the page.



# WHANAKETANGA 3: TAHA TUHITUHI (ā-Tā)

E hāngai ana ki te ākonga kua tutuki i a ia te **Taumata 3** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama te ākonga ki ētahi pūtake tuhituhi me ētahi momo tuhinga, ā, ka tutuki i a ia āna ake pūtake tuhituhi, ētahi pūtake ake a te Māori, me ngā pūtake i te taumata tuatoru o te marautanga.
Puna Reo	Ka mārama atu, ka whakamahi anō te ākonga i ngā āhuatanga reo me ngā whakatakoto i roto i āna tuhituhi i te taumata tuatoru o te marautanga.
Rautaki Reo	Ka mārama atu, ka whakamahi anō te ākonga i ngā rautaki āhua huhua nei kua tohua i te taumata tuatoru o te marautanga, hei whakaputa i ōna whakaaro i roto i āna tuhinga.

## HE TAUIRA AROMATAWAI

### He Taniwha kei Taku Kāpata (Paki Whakangahau)


#### Te Horopaki Ako mō “He Taniwha kei Taku Kāpata”

Ko te kaupapa ako, ko te aro ki ngā kaituhi tuinga auaha, kātahi ka tahuri ngā ākonga ki te tuhi i ā rātou ake tuinga auaha. Ko te pūtake tuhituhi, ko te whakangahau i te kaupānui. Nā te kaituhi i kōwhiri te kaupapa, arā, ko te taniwha e huna ana i te kāpata, i runga anō i ōna wheako whaiaro me ōna whakaaro pohewa hoki. Ko te hunga pānui, ko ōna hoa. Kua whakaaturia te tuinga hukihuki, ngā mahi whakarite ki te tuhituhi me te tuinga i whakatikaina, i whakaputaina hoki.

He paki whakangahau tēnei tuinga e whakaatu ana i:

- tētahi kaupapa hei whakangahau i tētahi atu;
- te tapanga hei tautohu i te kaupapa o te paki;
- te whakatakinga hei whakataki i te horopaki;
- te raupapatanga mahi – ko te piki haere o te raruraru ki tōna teiteitanga;
- te whakataunga – i pēhea te whakataunga o te raruraru.

### Tā te ākonga tuinga whakamārama



Kua tuhia te tapanga hei tautohu i te kaupapa o te paki.

Mataku ana a Ngapo i a ia e tākoto ana i tōna moenga.

Ka tīmata te paki ki te horopaki – kua mārama te kaupānui ko Ngapo tētahi kiripuaki matua, ā, kua tuhia tētahi rerenga tuhituhi e tohu ana i tētahi tūāhuatanga o te mahi kei te haere, arā, ka mataku a Ngapo i waenganui pō.

Ātahipō ka ahu mai ngā oro tauhou ...

Kei te piki haere te raru.

Ka rangona kau ake te mataku o te kiripuaki, mā te kupu “Aue!”

Kua whakawhānuitia te kupu hei whakaatu i te mataku o te kiripuaki – Tu ... tu ... tu ...tūturu.

Ka kii a Māmā, “Kāore he taniwha tuturu i roto i tēnei ao ...”

Te whakataunga – kua tau te raruraru.

I rongo a Ngapo ki ngā oro tauhou, ka karanga atu a Ngapo, “Māmā, Māmā, haere mai, he oro tauhou kei te ahu mai i taku kāpata”.

Kua tīmata te raru.

Kua whakamahia ngā tohu kōrero mō ngā kōrero a ngā kiripuaki.

Ka tika te whakamahi i te reo tautahi mō te kōrero a te kiripuaki ki a ia anō.

aue, Kei whea ēra ika i waihotia e au

Kua piki ake te raru, kua pātai anō te kiripuaki ki a ia anō.

He tika te whakatakotoranga o te rerenga tuhi matatini me te whakamahi i te reo hāngū.

Kāore i te tino tika te whakamahi i te kupu “ohorere”, heoi, kua mōhio te kaupānui he take nui kei te haere.

#### He Rauemi Tautoko

He Tuinga Whakangahau. He Manu Tuhituhi. Aronui Ltd (2008), whārangi 10–20 me 94–98.

Hei Korowai Tuatahi mō te Marautanga Reo Māori: Te whakamahi i te marau reo Māori. Te Tāhuhu o te Mātauranga (2008), whārangi 54–56.

## WHANAKETANGA 3: TAHA TUHITUHI (ā-Tā)

	He paetohu	Hei aronga mā te pouako	Te taunakitanga
Āheinga Reo	Ka mārama te ākongā ki ētahi pūtāke tuhituhi me ētahi momo tuhinga, ā, ka tutuki i a ia āna ake pūtāke tuhituhi, ētahi pūtāke ake a te Māori, me ngā pūtāke i te taumata tuatoru o te marautanga.		
	<p>⏏ <b>Ina tuhi ia:</b></p> <ul style="list-style-type: none"> <li>ka hanga tuhinga ia e pā ana ki tētahi kaupapa mā te hunga pānui kua tautohua</li> <li>ka mārama, ka arorau te whakaputa i ngā whakaaro, ā, ka hāngai ngā whakaaro me ngā pārongo ki te kaupapa.</li> </ul>	<p>Kua tuhia he paki whakangahau mō tētahi kaupapa kua whakaarohia e te kaituhi hei pānuitanga mā te akomanga.</p> <p>Kua mārama te kaituhi ki te whakaraupapa tika i ngā mahi e hāngai ana ki tana paki whakangahau.</p>	<p>Tirohia te tuhinga.</p> <p><i>Mataku ana a ... Ātahipō ka ahu mai ... Ka oho a Ngapo Kua tae ki te wā ... Kāore he taniwha tuturu ...</i></p>
Puna Reo	Ka mārama atu, ka whakamahi anō te ākongā i ngā āhuatanga reo me ngā whakatakoto i roto i āna tuhituhi i te taumata tuatoru o te marautanga.		
	<p>⏏ <b>Ka whakaatu ia i tana mōhio ki:</b></p> <ul style="list-style-type: none"> <li>ngā kupu maha e whakaatu ana i ōna kare ā-roto me ōna whakaaro, me ētahi kupu e tino hāngai ana ki āna kaupapa tuhituhi</li> </ul>	<p>He kaha nō te kaituhi ki te whakaatu i ōna kare ā-roto.</p> <p>Kua whakamahia he whiringa kupu e tino hāngai ana ki te kaupapa.</p>	<p><i>Mataku ana a Ngapo ... "Aue!" ...</i></p> <p>Hei tauira: <i>mataku ana ... oro tauhou ... kei te ahu mai i taku kāpata ... he moepapa noa iho ... tino ohore ... he mataku koe ki ngā taniwha</i></p>
	<ul style="list-style-type: none"> <li>te whakamahi i te piko, i ngā tohu kōrero, me ngā tohumatā</li> </ul>	<p>Kua whakamahia e te kaituhi te piko hei whakawehe i ngā wāhanga matua o te rerenga tuhituhi.</p> <p>Kua whakamahia e te kaituhi ngā tohu kōrero hei whakaatu i ana kupu kōrero.</p>	<p><i>I rongo a Ngapo ki ngā oro tauhou, ka karanga atu a Ngapo, "Māmā, Māmā, haere mai, he oro tauhou kei te ahu mai i taku kāpata."</i></p>
	<ul style="list-style-type: none"> <li>te tātaki tika i te nuinga o ngā kupu e tuhia ana e ia me te whakamahi tika i te tohutō</li> </ul>	<p>He kaha nō te kaituhi ki te tātaki tika i te nuinga o ngā kupu me te whakamahi tika i te tohutō.</p>	<p>Hei tauira, kei te tika te tohutō i ēnei kupu: <i>ngā, kōrero, tōna, tēnei, anō, wā, Māmā, kē, tūturu, pōturi</i></p> <p>Kāhore ia i whakamahi i te tohutō ki ēnei kupu: <i>kōhimuhimu, Ātahipō</i></p>
	<ul style="list-style-type: none"> <li>ngā momo tīmatanga rerenga maha me te whakaraupapa tuhinga ki te kōwae</li> </ul>	<p>Kua whakamahia e ia ngā momo tīmatanga rerenga maha, ā, kua whakaraupapatia ana whakaaro ki ngā kōwae.</p>	<p>Tirohia te tauira: <i>I rongo a ... I haere atu ... Ātahipō ... Ka haere atu ... Ka oho a ... Ka hoki mai ... Ka tūwhera pōturi ... Ka haere mai ...</i></p>
	<ul style="list-style-type: none"> <li>ētahi āhuatanga reo e hāngai ana ki te pūtāke tuhituhi pērā i te whakahau kupu mahi hāngū (tohutōhu), me ētahi āhuatanga reo hei whakanikoniko i te whakaaro pērā i te reo whakaahua, te tāruarua, me te huarite (whiti/ruri whakangahau).</li> </ul>	<p>Kua tuhia e ia ētahi tauira o ngā āhuatanga reo e hāngai ana ki te paki whakangahau, me ētahi whakarāwai reo anō hoki.</p>	<p>Hei tauira:</p> <ul style="list-style-type: none"> <li>Reo taki: <i>"Mataku ana ...", "Kua tae ki te wā ..."</i></li> <li>Kupu āhua: <i>ohore māharahara</i></li> <li>Whakawhiti kōrero: <i>"Ko wai koe?" "Ko Māmā."</i></li> <li>Te reo whakaahua: <i>Ka tūwhera pōturi ...</i></li> </ul>

# WHANAKETANGA 3: TAHA TUHITUHI (ā-Tā)

## He paetohu

## Hei aronga mā te pouako

## Te taunakitanga

Ka mārāma atu, ka whakamahi anō te ākongā i ngā rautaki āhua huhua nei kua tohua i te taumata tuatoru o te marautanga hei whakaputa i ōna whakaaro i roto i āna tuhinga.



### Ia ia e tuhi ana:

- ka rapu, ka kōhi, ka arotake ia i ngā rauemi hei tautohu i ngā pārongo me ngā whakaaro e hiahia ana, ka whakaraupapa hoki i ngā pārongo me ngā whakaaro ki tētahi mahere e hāngai ana ki te anga o te momo tuhinga

Kua whakamahia e ia tētahi mahere ripo hei whakaraupapa i ngā mahi.

Tirohia te mahere ripo.

### Te Anga o te Paki Whakangahau

**Te Tapanga:** *he taniraha kei taku kāpata*

**Te Mahi:** *Ka oho mai a Ngapo me tana pōhēhē he taniraha kei tana kāpata. Ka waiho a ia i ētahi ika hei kai mā te taniraha - kia kite mēnā he taniraha kei te kāpata.*

**Te Whakatakinga**

- Ko wai ngā kiripuaki?  
*Ngapo Te taniraha Māmā*
- He pēhea te āhua o te wāhi?  
*Te moemanga, te whare o Ngapo*

Tuhia tētahi rerenga tuhituhi e tohu ana i tētahi tūāhuatanga o te mahi kei te haere.  
*Ka oho matakū mai a Ngapo me tana pōhēhē he taniraha kei tana kāpata.*

**Te Whakataunga**

I pēhea te mahi i tau ai?  
*Ka tangohia te taniraha i tōna ūpoko, ko te māmā kē o Ngapo.*

**Te Raupapatanga Mahi**

- I pēhea te mahi i timata ai?  
*I oho matakū mai a Ngapo me tana pōhēhē he taniraha tātūm kei tana kāpata*
- I pēhea te mahi i tipu haere ai ki tōna teiteitanga?  
*I waiho a Ngapo i ētahi ika hei kai mā te taniraha, i pau ngā ika; i kōrero a ia ki a ia anō me te whakakūpato.*
- He aha tōna teiteitanga?  
*I āta tūnhera te kuraha o te kāpata e Ngapo, ka ohore e i te kitenga i te taniraha.*

- ka arohaehae i ngā tuhinga kia hāngai te āhua o ngā tuhituhi, te momo tuhinga, me te momo reo ki te hunga pānui, kia ea ai hoki te pūtake o te tuhinga.

Kua whāia e ia te ara tuhituhi hei tuhituhi i tana paki whakangahau.





### Tā te ākongā tuhinga whakaputa

#### He taniwha kei taku kāpata

Mataku ana a Ngapo i a ia e takoto ana i tōna moenga. I rongo a Ngapo i ngā oro tauhou, ka karanga atu a Ngapo, "Māmā, Māmā, haere mai, he oro tauhou kei te ahu mai i taku kāpata." I haere atu tōna Māmā me tōna tuakana a Ngarangi i kii atu a Ngarangi ki a ia, "kaua e māharahara, he moepapa noa iho." Ātahipō ka ahu mai ngā oro tauhou mai i raro i tōna moenga.

Ka haere atu a Ngapo ki te kīhini ki te tiki he inu wai māna. I tikina hoki ia i tētahi ipu kua kii mā te ika. Kei te mōhio a Ngapo he taniwha ki roto i tana kāpata nō te mea i waiho a Ngapo i tērā ipu ika ki te taha o te kāpata. "Ina ka whakapaua ngā ika nei ka mōhio ahau mēnā he taniwha" te kōhimuhimu atu a Ngapo ki a ia anō.

Ka oho a Ngapo me tana mea atu, "Auē, kei whea ērā ika i waihotia e au. Ka hoki mai ōna mahara. I kōrero ngāwari ia ki a ia anō, "Ina ka ngaro haere ēnei ika ka mōhio ahau mēnā he taniwha kei taku kāpata." I tēnei wā kei te tino ohorere a Ngapo. "Kua tae ki te wā kitea mēnā he tūturu te taniwha kei tana kāpata," te kōrero a Ngapo ki a ia anō.

Ka tuwhera pōturi a Ngapo i te tatau. "Auē!" te kii a Ngapo. "He taniwha tu...tu...tu...tūturu." Ka pātai atu a Ngapo ki te taniwha, "Ko wai koe?" A kōrero atu te taniwha, "Ko Māmā." Ka unuhia e te taniwha tōna māhunga engari ehara te taniwha i tētahi taniwha, ko Māmā kē.

Ka kii a Māmā, "Kāore he taniwha tūturu i roto i tēnei ao, i whakamātau noa iho au kia kite mēnā he mataku koe ki ngā taniwha."

#### He Rauemi Tautoko

*He Tuhinga Whakangahau. He Manu Tuhituhi. Aronui Ltd (2008), whārangi 10–20 me 94–96.*

*Ka Rere te Manu ki te Ao Tuhituhi. He Manu Tuhituhi. Aronui Ltd (2008), whārangi 30–31 me 161–173.*

*Hei Korowai Tuatahi mō te Marautanga Reo Māori: Te whakamahi i te marau reo Māori, Te Tāhuhu o te Mātauranga (2008), whārangi 54–56.*



## WHANAKETANGA 3: TAHA TUHITUHI (ā-Tā)

Ngā mahi aromatawai mō te tau 20\_\_

A series of horizontal dotted lines for writing, spanning the width of the page below the title.

# WHANAKETANGA 4: TAHA KŌRERO (ā-Waha)

E hāngai ana ki te ākongā kua tutuki i a ia te **Taumata 4** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka whakataurite te ākongā i ngā pūtake me ngā horopaki maha o ngā kōrero ā-waha, ā, ka tutuki i a ia ngā pūtake o te kōrero, ētahi pūtake ake a te Māori, me ngā pīkaunga kōrero i te taumata tuawhā o te marautanga.
Puna Reo	Ka whakamahi, ka whakataurite anō te ākongā i ngā āhuatanga reo e tutuki ai ngā pīkaunga kōrero i te taumata tuawhā o te marautanga.
Rautaki Reo	Ka whakamahi, ka whakataurite anō te ākongā i ngā rautaki e mārama ai ia ki tāna e rongona ana, e mārama anō ai ētahi atu ki ōna whakaaro.

## HE TAUIRA AROMATAWAI

### He Whakataurite

#### Te Horopaki Ako – He Kōwhiringa, He Whakatau

E rua ngā tauira aromatawai. Mō ngā mahi e rua, ka mahi ā-rōpū ngā ākonga, kia 4–6 ngā ākonga ki ia rōpū. Ko te whāinga matua o ngā mahi, kia puta ake he whakatau mā roto anō i te whakawhitiwhiti whakaaro noa, kua mā te pōti. Kia whakaaetia rā anō e te rōpū tā rātou whakatau, ka matapakia tahitia ki ērā atu rōpū.

#### Tauira 1

Ko te tauira tuatahi, ka tāpaea he raruraru, ko tā rātou he kimi i te rongoā tino pai ki taua raruraru<sup>1</sup>. Kia kotahi anake te rongoā e kōwhiria.

#### Ngā tohutohu

Ko koe te kāpene o te tīma poiwhana o tō kura. Kei te whakataetae tō tīma ki ētahi atu kura. I toa koutou i te whakataetae nei i tērā tau. Tērā tonu pea ka toa anō koutou i tēnei tau.

Ko tētahi o ngā ture o te whakataetae, kia uru tahi ngā tama me ngā kōtiro ki te tīma. I a koutou ka eke ki te papa tākaro, ka kite koe he taitama katoa ngā kaitākaro o tērā tīma. Ka mutu, nō te kura tuarua katoa pea. Koinei te tauwhāinga whakamutunga o te whakataetae, kua rārangi mai ngā kaitautoko i ngā taha o te papa tākaro. Kua tata tangi te korowhio a te kaiwawao hei tīmata i te tākaro. Ko koe te kāpene, kei a koe te tikanga mō tō tīma. He aha rā te mahi tika māu?

#### Tauira 2

Ko te mahi tuarua, ka whakaraupapa, ka kōwhiri ngā ākonga i ētahi taputapu i runga i te whaitake o tēnā taputapu, o tēnā taputapu<sup>2</sup>.

#### Ngā tohutohu

Kei te ngahere koutou e ngaro ana. Kua pō, ā, kua ngaua koutou e te makariri. Kua whara tētahi o koutou. Te āhua nei, kua whati tōna waewae – kua kore e taea e ia te hīkoi. He taputapu ā koutou i roto i ā koutou pēke tuarā. Matapakia tā koutou i whakatau ai ki ērā atu rōpū.

#### Ngā taputapu

he pēke moe	he mahere o te takiwā
he reo irirangi (mō te whakarongo noa)	he kōhua kai
he naihi koi	ngā kēne kai e toru
he pouaka māti	he taura e 3 mita te roa
he rama	he pukapuka pakiwaitara



<sup>1</sup> Speaking to Learn Ideas, Problem Solving wh. 57, ISP Nation, 1990 LANGUAGE TEACHING TECHNIQUES, Occasional Publication No. 2, Victoria University of Wellington.

<sup>2</sup> Speaking to develop the speaking skill, Ranking wh. 54, ISP Nation, 1990 LANGUAGE TEACHING TECHNIQUES, Occasional Publication No. 2, Victoria University of Wellington.

# WHANAKETANGA 4: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Āheinga Reo	Ka whakataurite te ākongā i ngā pūtake me ngā horopaki maha o ngā kōrero ā-waha, ā, ka tutuki i a ia ngā pūtake o te kōrero, ētahi pūtake ake a te Māori, me ngā pikaunga kōrero i te taumata tuawhā o te marautanga.		
	<p><b>🌀 Ina whakarongo ia:</b></p> <ul style="list-style-type: none"> <li>ka mārama te ākongā ki te takune o te kaikōrero</li> </ul>	<i>He aha, ki a koe, te tikanga o tana kōrero?</i>	I whakamāramatia mai ōna whakaaro?
	<ul style="list-style-type: none"> <li>ka tautohua, ka whakaaroarotia e ia ngā āhuatanga o te kōrero e tohua ana i te whāinga a te kaikōrero</li> </ul>	<i>He aha ō whakaaro ki tāna i kī ai? E whakaae ana koe, kāore rānei? He aha ai, he aha rānei i kore ai?</i>	I whakaputa whakaaro te ākongā mō te kōrero?
	<ul style="list-style-type: none"> <li>ka tautohua e ia te pānga o tētahi kaupapa ki tētahi atu o roto i tāna i rongo ai.</li> </ul>	<i>He whakaaro, he tirohanga anō kua puta mō te kaupapa nei? He aha katoa ngā take, ngā āhuatanga, ngā kōrero rānei e tautoko ana i taua whakaaro?</i>	Kua kite ia i te hāngai o tētahi kōrero ki tētahi atu?
	<p><b>🗣️ Ina kōrero ia:</b></p> <ul style="list-style-type: none"> <li>ka māia tana whakawhiti whakaaro i runga i te mārama ki te kaupapa me te hunga whakarongo</li> </ul>	<i>Tēnā, whakamāramatia mai ō whakaaro mō [te tīma poiwhana; tēnei raruraru...]?</i>	He pēhea nei te pai o te parahau a te ākongā i ōna huatau, i ōna whakaaro?
<ul style="list-style-type: none"> <li>ka āta whakamārama ia i ōna wheako me ōna whakaaro ki ngā kaupapa i ngā horopaki ako me ngā horopaki ngahau</li> </ul>	<i>Tēnā koa, homai he tauira hei tautoko i tō whakaaro.</i>	He pēhea nei te mārama o te whakapuaki a te ākongā i ōna whakaaro? Kua hoatu he tauira whai kiko?	
<ul style="list-style-type: none"> <li>ka māia tana whakapuaki i ngā momo kōrero Māori taketake ake e mōhio ana ia, pērā i te mihi, i te pepeha, i te karakia, i te waiata.</li> </ul>	<i>Ka pēhea tō whakamihi i te tangata me ōna whakaaro? Ka pēhea mehemea kāore koe i te whakaae ki tāna i kī ai?</i>	Kua mau i te ākongā ngā āhuatanga o te reo mihi i ōna hoa kōrero, ahakoa kāore pea ia e whakaae ana ki ō rātou whakaaro?	
Puna Reo	Ka whakamahi, ka whakataurite anō te ākongā i ngā āhuatanga reo e tutuki ai ngā pikaunga kōrero i te taumata tuawhā o te marautanga.		
	<p><b>🌀 Ka whakaatu ia i tana mōhio ki:</b></p> <p><b>🗣️</b></p> <ul style="list-style-type: none"> <li>ētahi kīanga whakaahua, kīanga whakarite</li> </ul>		Kei te puta i a ia ētahi kīwaha e hāngai ana, pērā i te "Kei konā au", i te "Koaia pū", i te "Engari mō tēnā"?
	<ul style="list-style-type: none"> <li>ngā kupu honohono e hono ai ngā whakaaro i roto i te kōrero</li> </ul>		Kei te puta ake ētahi kupuhono pērā i te "nō reira", i te "nā, i runga i tērā", i te "ahakoa tērā", i a ia e parahau ana i tētahi whakaaro?
<ul style="list-style-type: none"> <li>ngā kupu me ngā whakatakotoranga e hāngai ana ki te momo kōrero (ahakoa ōpaki, ōkawa rānei).</li> </ul>		Kei te puta ake i te ākongā ētahi rerenga pērā i te "Nā, ki a au nei", i te "Ki ōku nei whakaaro", i te "Heoi anō", i a ia e tāpae whakaaro ana?	

## WHANAKETANGA 4: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Rautaki Reo	Ka whakamahi, ka whakataurite anō te ākongā i ngā rautaki e mārama ai ia ki tāna e rongō ana, e mārama anō ai ētahi atu ki ōna whakaaro.		
	<p> I a ia e whakarongo ana,  e kōrero ana:</p> <ul style="list-style-type: none"> <li>ka patapatai ia kia kitea mai ai tāna i pīrangi ai</li> </ul>	<i>He aha tētahi anō pātai ka taea te tuku atu?</i>	Kei te arotakea e te ākongā tāna e rongō ana? Ka hanga pātai anō ia kia tutuki ai tāna e whai ana?
	<ul style="list-style-type: none"> <li>ka whakamahia tōna mōhiotanga ā-reo, ā-ahurea hoki kia whai māramatanga ai ia i ngā kōrero āhua roa tonu</li> </ul>	<i>He whakaaro, he tirohanga anō tāu mō te kaupapa? A tēnā, kōrerotia mai.</i>	I whakamāramatia he wheako whaiaro e hāngai ana ki te kaupapa?
<ul style="list-style-type: none"> <li>ka āta whakamahia ngā āhuatanga reo ā-waha e mōhio ana ia kia mau tonu ai te aro mai a te hunga whakarongo.</li> </ul>	<i>Ki te kore te hunga whakarongo e aro mai ki a koe, me aha koe?</i>	<p>I kimi ara anō ia hei whakapuaki i ōna whakaaro?</p> <p>Ka tāruatia, ka whakarāpopototia rānei te kōrero e pai ake ai te whai mai a te hunga whakarongo?</p> <p>He pēhea te whakarerekē a te ākongā i te hau, i te tere, i te piki, me te heke o tōna reo?</p>	

### Ētahi Atu Taurira Aromatawai: He Whakataurite

Ko tā te ākongā:

- he whakahaere uiuinga, me te whakatakoto pūrongo ā-waha. Hei taurira, ka uiuia he kaumātua ki ōna mahara ki te wā e tamariki ana ia, he pouako rānei mō ngā take i kōwhiria ai te whakaako hei aramahi mōna.
- he kimi mai (i ngā kōrero ā-waha, ā-tuhi rānei) i te maha atu o ngā whakaaro whaiaro ki tētahi kaupapa, kātahi ka tuhi i ngā whakaaro matua, ka whakahoki kōrero ai ki te akomanga/rōpū, me te whakapuaki i ōna ake mahara ki aua ariā i takoto.
- he whakaoti i tētahi mahi e hangaia anō ai, e tākina anō ai he paki, he aha atu rānei i hopukina e te taringa (Toroa <<http://esolonline.tki.org.nz/ESOL-Online/>> Rapua: Dictogloss).
- i a ia e mātaki ana i te kōpae ataata, i te rīpene ataata rānei, he whakaahua i ngā hononga i waenga i te rotarota, i te kori o te tinana me tēnei mea te tikanga.
- he whakataurite i ngā āhuatanga e ōrite ana, e rerekē ana, i ētahi tāpaenga pārongo e rua, i ētahi kōrero e rua rānei (he mea whakatakoto ā-waha, ā-tuhi, ā-whakaahua rānei)?

### Ngā mahi aromatawai mō te tau 20\_\_

.....

.....

.....

.....

.....

.....

.....

.....



## WHANAKETANGA 4: TAHA PĀNUI (ā-Tā)

E hāngai ana ki te ākonga kua tutuki i a ia te **Taumata 4** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka whakataurite anō te ākonga i ngā pūtake o ngā tuhinga kei te mutunga o te taumata Pīngao (KPo), kei te taumata tuawhā anō o te marautanga.
Puna Reo	Ka mārama atu, ka whakataurite anō te ākonga i ngā āhuatanga reo me ngā whakatakoto i roto i ngā tuhinga kei te mutunga o te taumata Pīngao (KPo), kei te taumata tuawhā anō o te marautanga.
Rautaki Reo	Ka whakamahi, ka whakataurite anō te ākonga i ngā rautaki pānui e mārama ai ngā tuhinga kei te mutunga o te taumata Pīngao (KPo), kei te taumata tuawhā anō o te marautanga.




## HE TAUIRA AROMATAWAI

### Tauira 1: He Pai Te Mahi Tahī KPo (Tuhinga Pohewa)

He paetohu	Ko tā te pouako	Ko tā te ākongā whakautu
<p>Ka mārama atu, ka whakataurite anō te ākongā i ngā pūtaka o ngā tuhinga kei te mutunga o te taumata Pīngao (KPo), kei te taumata tuawhā anō o te marautanga.</p>		
<p><b>☞ Ina pānui ia:</b></p> <ul style="list-style-type: none"> <li>ka whakarāpopotonga e ia ngā whakaaro matua o ngā tuhinga pohewa me ngā pārongo matua o ngā tuhinga pono, ka tautohua ngā taunakitanga e tautoko ana</li> </ul>	<p><i>Tirohia ngā pikitia kei ngā whārangi 5 ki te 11. Kōrerohia ki āu ake kupu he whakarāpopototanga e whakaatu ana i ngā kaupapa matua o te pukapuka nei, arā, "He pai te mahi tahī, kia tūpato hoki i te tauhou."</i></p> <p><i>Whakamahia ngā kupu "mahi tahī", "noho tahī", "haere tahī" rānei ki tō whakarāpopototanga.</i></p>	<p>Whārangi 5: <i>He kōrero whakatūpato tā Māmā kia noho tahī, kia kaua e tata atu ki a Niho Tetē i te wā e kato ana rātou i ngā pikopiko i te ngahere.</i></p> <p>Whārangi 6: <i>Ka whakamaumaratia a Kamakama e Wareware rāua ko Tōmuri ki te kōrero whakatūpato a Māmā, kia haere tahī rātou.</i></p> <p>Whārangi 7: <i>Kei te haere whakamua a Kamakama, kāore ia i te tatari kia haere tahī ai rātou.</i></p> <p>Whārangi 8: <i>Ka whakatā a Kamakama me te tatari ki ōna tēina, ā, kāore ia e kite ana i a Niho Tetē e noho ana ki runga i te rākau.</i></p> <p>Whārangi 9: <i>Ko tōna waimarie, ka tae atu ōna tēina i mua tata mai i te huhutingia o ōna parirau e Niho Tetē, me te whakatūpato i a ia.</i></p> <p>Whārangi 10: <i>Ka patua a Niho Tetē e rātou.</i></p> <p>Whārangi 11: <i>Ka tino mārama te tokotoru ki te tikanga o ngā kupu a Māmā kia mahi tahī rātou.</i></p>
<ul style="list-style-type: none"> <li>ka tautohua, ka matapakitia te hanga me ngā āhuatanga o te tuhinga kia ea ai te pūtaka a te kaituhi</li> </ul>	<p><i>Tautohua, matapakihia hoki ngā wāhanga o te tuhinga e whakaatu ana he hanganga paki te tuhinga nei.</i></p>	<p>Te whakataki <i>Ka whakaaturia ngā kiripuaki (a Māmā, a Kamakama, a Tōmuri, a Wareware rātou ko Niho Tetē). Ka whakamōhiotia kei whea (kei te wao o Rehutai).</i></p> <p>Te raupapa mahi <i>Ka haere atu te tokotoru ki te kato pikopiko. Ko te kōrero a Māmā, kia mahi tahī rātou, kia tūpato hoki ki a Niho Tetē.</i></p> <p>Te raru <i>Kāore rātou i haere tahī. Ka haere whakamua a Kamakama, ko ia anake. Ka whakararua e Niho Tetē.</i></p> <p>Te whakataunga o te raruraru <i>Ka tae atu ngā tēina o Kamakama. Ka mahi tahī rātou ki te whakaora i a ia.</i></p>
<ul style="list-style-type: none"> <li>ka matapakitia ōna whakaaro ki taua tuhinga, me ngā taunakitanga e tautoko ana.</li> </ul>	<p><i>Ko wai te kiripuaki e ngākaunui atu ana koe? He aha koe i ngākaunui ai ki a ia?</i></p>	<p><i>Ko Niho Tetē. Ko tōna āhua – he koi ōna taringa, he ōrite ōna niho ki ngā niho o te rāpeti. Ka kata ahau ki tōna hiahia ki te huhuti i ngā parirau o Kamakama. He nanakia ia.</i></p>



## WHANAKETANGA 4: TAHA PĀNUI (ā-Tā)

He paetohu	Ko tā te pouako	Ko tā te ākonga whakautu
<p>Ka mārama atu, ka whakataurite anō te ākonga i ngā āhuatanga reo me ngā whakatakoto i roto i ngā tuhinga kei te mutunga o te taumata Pīngao (KPo), kei te taumata tuawhā anō o te marautanga.</p>		
<p> <b>Ka whakaatu ia i tana mōhio ki:</b></p> <ul style="list-style-type: none"> <li>te pānui wawe i ngā kupu huhua noa</li> </ul>	<p><i>Me pānui kapokapo te tuhinga kia kite ai koe i ngā kupu hou e whai ake nei. Pānuitia ā-waha te rerenga kōrero kei reira aua kupu, ka whakamārama ai i te kiko o ia kupu. Tirohia ngā tīwhiri kei ngā kupu o mua, o muri, me te horopaki anō hoki.</i></p> <ul style="list-style-type: none"> <li>pōi</li> <li>māreherehe</li> </ul>	<ul style="list-style-type: none"> <li>Whārangi 3, pōi <i>Te nekehanga o te tinana o Tōmuri. He ōrite ki te raupō e pūhia ana e te hau.</i></li> <li>Whārangi 10, māreherehe <i>He ōrite ki ngā kōrero a Tōmuri rāua ko Wareware. He kīwaha, e rite ana ki te "kaitoa".</i></li> </ul>
<ul style="list-style-type: none"> <li>ētahi reo peha me te reo tūturu, ā, ka whakamārama i ngā pānga o ēnei hanga</li> </ul>	<p><i>Whakamāramahia mai te tikanga o ngā kupu "ānō nei" (kei te whārangi 2 me te whārangi 3). Anei te taurira:</i></p> <p><i>"Mohimohi ana tōna kiri ānō nei ko te puāwai o te kōwhai."</i></p> <p><i>Whakamāramahia ki āu ake kupu, te tikanga o ngā kupu "ānō nei". He kōrero āwhina kei te whārangi 12.</i></p> <p><i>Waihangahia he kōrero mō Niho Tetē e whakamahi ana i ngā kupu whakarite "ānō nei".</i></p>	<p><i>Ka mōhio te kaipānui ko tōna kiri he ōrite ki te maheni o te puāwai o te kōwhai.</i></p> <p><i>Hinuhinu ana ōna makawe ānō nei ko te kiri o te tuna.</i></p>
<ul style="list-style-type: none"> <li>ētahi āhuatanga whakanahanaha i te tuhinga.</li> </ul>	<p><i>Kei te kōrero tētahi o ngā kiripuaki ki tētahi atu i roto i te tuhinga paki nei.</i></p> <p><i>Mahia mai te tuhinga hei whakaari, ā, ko te kōrero noa iho a ia kiripuaki hei kawē i te kaupapa.</i></p> <p><i>Āe rānei, kāore rānei kua ea ngā tohutohu – he aha tō whakapae?</i></p>	<p>Ka mahia e ngā ākonga te paki nei hei whakaari.</p>

# WHANAKETANGA 4: TAHA PĀNUI (ā-Tā)



He paetohu	Ko tā te pouako	Ko tā te ākonga whakautu
<p>Ka whakamahi, ka whakataurite anō te ākonga i ngā rautaki pānui e mārama ai ngā tuhinga kei te mutunga o te taumata Pīngao (KPo), kei te taumata tuawhā anō o te marautanga.</p>		
<p><b>📖 I a ia e pānui ana:</b></p> <ul style="list-style-type: none"> <li>ka whakahiato ia i ngā māramatanga mai i ngā pārongo mataaho, ka hīkaro i ngā māramatanga mai i ētahi pārongo matahuna i roto i te tuhinga</li> </ul>	<p><i>Homai tētahi taura mai i te tuhinga o tētahi o ngā tūrehu ko tana āhua tonu e whakaata ana i tōna ingoa.</i></p> <p><i>Ki ōu whakaaro, nō wai te hē i raru ai ngā tūrehu?</i></p>	<p><i>Ko Tōmuri – Nā tana āta hīkoi, kua tōmuri rāua ko Wareware; ko Kamakama kei mua e haere ana.</i></p> <p><i>Nō Māmā. Nāna rātou i tohutohu kia haere ki te ngahere tiki pikopiko ai ahakoa tana mōhio ki tō rātou āhua, ā, noho ai a Niho Tetē ki te ngahere.</i></p>
<ul style="list-style-type: none"> <li>ka tātari ia i te hanganga o te kupu hou, o te rerenga hou rānei, hei hīkaro i te tikanga, ka titiro ai ki ngā papakupu huhua hei whakaū i tāna i whakapae ai</li> </ul>	<p><i>Whakamāramahia te kupu “korotaha” (kei te whārangi 7) me te “hukehuke” (kei te whārangi 9).</i></p> <p><i>Tirohia he papakupu kia kite ai koe mēnā i tika tō whakamāramatanga.</i></p>	<ul style="list-style-type: none"> <li>korotaha – te huringa o tōna kanohi ki tōna tuakana i runga i te whakaaro he kaha tōna wareware.</li> <li>hukehuke – he kupu anō mō te tere.</li> </ul> <p>Ka kitea he whakamāramatanga i te papakupu.</p>
<ul style="list-style-type: none"> <li>ka whakamahia e ia he rautaki mai i tana puna rautaki whānui, ka parahau ai i tana kōwhiringa.</li> </ul>	<div data-bbox="683 913 1362 1603" data-label="Complex-Block"> <p>Tuhia ngā kupu hei whakakī i ngā āputa, kia mau tonu ai te kaupapa o te tuhinga.</p> <p>Hukehuke ana te (1) <u>heke</u> iho a Niho Tetē.</p> <p>E tōhū tonu ana ki te (2) <u>huhuti</u> i ngā parirau o Kamakama tae mai a Tōmuri rāua ko</p> <p>(3) <u>whakararu</u>.</p> <p>“Kamakama, Kamakama e oho, e oho!” te (4) <u>horo</u> atu a te tokorua. Pūrere atu ana ngā tuākana ki te</p> <p>(5) <u>huhakararu</u> i a Niho Tetē.</p> <p><i>minimiri whakararu Wareware heke tioro huhuti</i></p> <p>Tuhia he kupu e ōrite ana ki ngā kupu kua tuhia i ngā āputa o runga</p> <ol style="list-style-type: none"> <li><u>haere whakararu</u></li> <li><u>tango</u></li> <li><u>tō rāua teina</u></li> <li><u>Karanga</u></li> <li><u>Pōranu</u></li> </ol> </div> <p><i>Whakamāramahia mai he aha koe i mōhio ai ko tēhea te kupu tika hei kuhu atu ki ia āputa.</i></p> <p><i>Ko te “heke” te kupu e tika ana kia noho ki mua i te “iho”. Kei te mōhio ahau he kupu mahi pea ka whai i muri mai i te “ki te”. Kāre e mārama ana te “tioro”, te “whakararu” rānei. Nō reira ko te “huhuti” te kupu tika.</i></p> <p><i>Wareware – ko ia te tūrehu tuatoru. Ko te “ko” e tohu ana he kupu ingoa te mea ka whai i muri mai. Ko te “Wareware” te kupu anake e tīmata ana i te pū matua. I kite ahau i ngā tohu kōrero, nō reira ka kimi ahau i tētahi kupu kōrero.</i></p>	



## WHANAKETANGA 4: TAHA TUHITUHI (ā-Tā)

E hāngai ana ki te ākonga kua tutuki i a ia te **Taumata 4** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama te ākonga ki ngā pūtake me te āhua o ngā momo tuhinga āhua huhua nei, ā, ka tutuki i a ia āna ake pūtake tuhituhi, ētahi pūtake ake a te Māori, me ngā pūtake i te taumata tuawhā o te marautanga.
Puna Reo	Ka mārama atu, ka whakamahi anō te ākonga i ngā āhuatanga reo me ngā whakatakoto i roto i āna tuhituhi i te taumata tuawhā o te marautanga.
Rautaki Reo	Ka mārama atu, ka whakamahi anō te ākonga i ngā rautaki āhua huhua kua tohua i te taumata tuawhā o te marautanga, hei whakaputa i ōna whakaaro i roto i āna tuhinga.



# WHANAKETANGA 4: TAHA TUHITUHI (ā-Tā)

## HE TAUIRA AROMATAWAI

### Kāti te Tope Rākau Māori (Tautohe)

#### Te Horopaki Ako mō te “Kāti te Tope Rākau Māori”

Ko te kaupapa ako, ko te tiaki i ngā taonga Māori. Ko te te pūtake tuhituhi, ko te tuhi tautohe hei whakawhere i te kaupānui kia aukati i te tope rākau Māori. Nā te kaituhi tēnei kaupapa i kōwhiri i runga anō i tōna āwangawanga mō te itiiti haere o ngā rākau Māori e tū ana huri noa i tōna rohe.

Kua tohua e te kaituhi ētahi pātai hei ārahi i te whanaketanga o ōna whakaaro tautohe. Ko te hunga pānui, ko ōna hoa mahi.

He tuhinga tautohe tēnei e whakaatu ana i:

- tā te kaituhi tirohanga e pā ana ki te tope rākau māori;
- te whakatakotoranga take;
- ngā tautohenga matua;
- tētahi whakarāpopotonga hei whakakapi i te tuhinga.

### Tā te ākongā mahi whakarite whakaaro

Ngā Rākau Māori!  
 He aha te take kua whakaritea e te kura i te huarahi whakatipu rākau māori?  
 Nā ngā tamariki mokopuna tātou ko ngā manuhiri tuarangi.  
 Kei hea ngā rākau ki te kura?  
 Kei te ngahere hei tapu mō tātou ngā tamariki mokopuna.  
 He aha ngā memo rākau kei te tipu?  
 Tikouka, totara, kowhai, Ramarama me ētahi atu hoki.  
 He aha ngā rākau e whakahirahira mā te rohe?  
 Te awhina i ngā tamariki mokopuna hei tipu pai ai tātou.  
 He aha tētahi kōrero mō te whakahirahira o ngā rākau Māori?  
 Ko Okataia te totara e tiaki e manaaki ana iā mātou ngā tamariki mokopuna!  
 He aha te pginga o ngā rākau ki a koe?  
 Te manaaki te tiaki me te awhi atu i a koe!  
 He aha tētahi take no, mō te ao e pai ana ki te whakatipu rākau mātau hake?  
 Hei oranga mō tātou te iwi Māori nei!

I tīpako e te kaituhi ēnei pātai e toru mō tōna kaupapa.

## Tā te ākongā tuhinga whakaputa

Kua tuhia he tapanga e whakaatu ana i tana kaupapa.

Ko te rerenga tuatahi he whakaaro whānui mō ngā rākau o Aotearoa.

He tauira rerenga matatini ēnei.

He tauira reo raupapa ēnei.

He momo reo peha tēnei, arā, ko te ui makihoi. Ko te ui makihoi he momo pātai hei tohe i tētahi kaupapa. Kāore e tuhia he whakautu ki ētahi ui makihoi. Tirohia He Manu Tuhituhi, *He Kura Tuhituhi me He Manu Taketake*, whārangi 279.

### Kāti te Tope Rākau Māori

Mai rānō ngā rākau Māori e tū rangatira ana ki Aotearoa. He kaupapa whakahirahira ki a au, ko ngā rākau Māori. He mea nui ngā rākau Māori ki a mātou te hapori o te kura kaupapa Māori o Tāmaki nui ā-rua. Ki a mātou nei me tiaki, me whakatipu rākau Māori, nā reira kāti te tope rākau Māori.

### He aha ngā rākau e whakahirahira mō tō rohe?

Ko tētahi rākau Māori tino whakahirahira ki a mātou ko tērā rākau rongonui, ko Okatia tōna ingoa. Ko ia tētahi Tōtara nō te wao nui o Tāne, nāna te awa o Manawatū i waihanga kia tae atu ia ki Te Moana Tāpokopoko a Tāwhaki. Kare e kore he paki kōrero kei ia rohe mō tētahi rākau rongonui.

### He aha te painga o ngā rākau ki a koe?

He mea nui ngā rākau mō te whakaora i te whenua, me te whakaora hoki i te tangata, nā te mea, tuatahi, ko ngā rākau tērā e aukati i ngā mea kino kei te rangi, tuarua, ko ngā rākau tērā e whakamarumarua ana i a tātou i ngā hihi o Tama-nui-te-rā. I a au e pakupaku ana i whakataetae mātou ko aku teina ki te piki ake i ngā rākau i ngā wā katoa, nā reira he tino wahi tākaro hoki mō mātou. Tērā pea ko te kaupapa tino hirahira mō ngā rākau, ko rātou ngā kainga mō ngā manu. Mei kore he rākau, kei hea ngā manu e noho ana, kei hea ngā manu e whai oranga ana. Nō tō tātou hononga ā-whakapapa ki ngā manu, kia kua tātou e wareware i a rātou. Ka tapahi i ngā rākau, kua tapahi hoki te oranga o a tātou tipua tūpuna. Kia kua tātou e mahi pērā. He mea tūkinu tēnā.

### He aha ngā momo rākau kei te tipu?

Kei tō mātou nei kura he maha o ngā momo rākau Māori e tipu ana. Ko ngā momo rākau e tipu ana: ko te tōtara, ko te kahikatea, ko te tīkouka, ko te tītoki, ko te tarata, ko te akeake, ko te kōwhai, ko te mātuka, ko te rimu, ko te ramarama me te houhere. Ko te nuinga i tākoha mai e ngā manuhiri, e ngā whānau hoki. I ētahi wā ka haere mātou ki te tiki i ngā tipu mai i te ngahere tata ki a mātou, kātahi mātou ka whakatipu i te kura. He aha ai - ka whai oranga te hā o ngā tamariki mai i te hā o ngā rākau.

Nā reira ki ahau nei, kia mutu katoa te tope i ngā rākau Māori. Mai rānō he mea whakaora ngā rākau Māori i te whenua. I te tangata hoki. Kia tipu tonu hei oranga mō ngā whakatipuranga kei te heke mai.

Kua whakatakoto i tana tirohanga.

He rerenga matatini tēnei. Kei te rerenga matatini he ahotū, arā, he wāhanga matua ka pai noa tana tū hei rerenga motuhake, me tētahi/ētahi ahopiri, arā, he wāhanga e tautoko ana i te wāhanga matua. Hei tauira: Ko ia tētahi Tōtara nō te wao nui o Tāne [ahotū], nāna te awa o Manawatū i waihanga [ahopiri] kia tae atu ia ki Te Moana Tāpokopoko a Tāwhaki [ahopiri].

Kua whakamahi i te irarua hei whakataki i te rārangi ingoa o ngā momo rākau kei tōna kura.

Kua whakatauritea te tope i te rākau ki te tope i te tupuna.

He reo whakakapi hei whakataki i te whakakapinga.


He reo whakaputa whakaaro.

He whakaaro hōhonu hei whakakapi i te tuhinga.

# WHANAKETANGA 4: TAHA TUHITUHI (ā-Tā)

	He paetohu	Hei aronga mā te pouako	Te taunakitanga
Āheinga Reo	Ka mārama te ākonga ki ngā pūtake me te āhua o ngā momo tuhinga āhua huhua nei, ā, ka tutuki i a ia āna ake pūtake tuhituhi, ētahi pūtake ake a te Māori, me ngā pūtake i te taumata tuawhā o te marautanga.		
	<p>➤ <b>Ina tuhi ia:</b></p> <ul style="list-style-type: none"> <li>ka tutuki i a ia ngā tuhinga whaihua mō ngā pūtake maha e hāngai ana ki te kaupapa, te horopakī, me te hunga pānui</li> <li>ka tino mārama tana whakatinana i ngā whakaaro me te whakaraupapa whakaaro, ā, ka tino hāngai ngā whakaaro ki te kaupapa.</li> </ul>	<p>Kua tuhia he tautohe hei whakawhere i te hunga pānui kia whakamutu i te tope i ngā rākau māori, hei pānuitanga mā ōna hoa mahi.</p> <p>Kua tino mārama te whakaputa i ngā whakaaro. Kua mārama hoki te whakaraupapa i ngā kōwae, ā, ka tino hāngai te tuhinga katoa ki tana kaupapa, kia aro mai ai te kaipānui ki tāna tirohanga mō ngā rākau.</p>	<p>Kua āta waihangatia ngā wāhanga e toru o te tautohe nei: te whakatakatoranga take, te tautohenga, me te whakakapinga.</p>
Puna Reo	Ka mārama atu, ka whakamahi anō te ākonga i ngā āhuatanga reo me ngā whakatakoto i roto i āna tuhituhi i te taumata tuawhā o te marautanga.		
	<p>➤ <b>Ka whakaatu ia i tana mōhio ki:</b></p> <ul style="list-style-type: none"> <li>ngā kupu āhua huhua nei e hāngai ana ki āna kaupapa tuhituhi</li> </ul>	<p>Kua whiria e te kaituhi ngā kupu e whakaatu ana i ōna whakaaro nui mō tēnei kaupapa.</p>	<p>Hei tauira:</p> <ul style="list-style-type: none"> <li><i>e tū rangatira ana</i></li> <li><i>mō te whakaora i te whenua, me te whakaora hoki i te tangata</i></li> <li><i>haumarutia</i></li> <li><i>hononga ā-whakapapa</i></li> <li><i>ko te tōtara, ko te kahikatea, ko te tīkouka, ko te tītoki, (me te tini noa atu o te rākau māori)</i></li> </ul>
	<ul style="list-style-type: none"> <li>te whakamahi i te tohuwhai me te irarua</li> </ul>	<p>Kua whakamahia te tohuwhai hei whakataki i te whakamāramatanga o te pito tīmatanga o te rerenga.</p> <p>Kua whakamahia te irarua hei whakataki i te rārangi ingoa o ngā momo rākau kei tōna kura.</p>	<p>He aha ai – kia whai oranga te hā o ngā tamariki mai i te hā o ngā rākau.</p> <p>Kei tō mātou nei kura he maha o ngā momo rākau māori e tipu ana: ko te tōtara, ko ...</p>
	<ul style="list-style-type: none"> <li>ki te tātaki tika i ngā kupu me te whakamahi tika i te tohutō i roto i te tuhinga ka whakaputaina</li> </ul>	<p>Kua tika tana tātaki i te nuinga o ngā kupu, kei te tika hoki te nuinga o ngā tohutō.</p>	
	<ul style="list-style-type: none"> <li>ngā momo rerenga matatini me te whakaraupapa tuhinga ki te kōwae piringa tahi</li> </ul>	<p>Kua tuhia ngā rerenga matatini hei whakaatu i ngā hononga i waenganui i ngā whakaaro.</p> <p>Kei te pai te piri tahi o ngā whakaaro i te kōwae tuatahi, me te hono i ngā whakaaro o tētahi kōwae ki tētahi atu.</p>	<p>Hei tauira o te rerenga matatini:</p> <p><i>I a au e pakupaku ana i whakataetae mātou ko aku teina ki te piki ake i ngā rākau i ngā wā katoa, nā reira he tino wahi tākaro hoki mō mātou.</i></p> <p>Kei ia kōwae kua tāpaetia he whakaaro matua, ā, kua whakatakatoria he whakaaro e tautoko ana.</p>
<ul style="list-style-type: none"> <li>ngā āhuatanga reo e hāngai ana ki te pūtake tuhituhi, pērā i te reo raupapa, te reo tūhono i te take me te pānga, te reo whakakapi mō te tuhituhi tautohe, me ētahi āhuatanga reo hei whakanikoniko i te whakaaro, pērā i te huahuatau me te ui makihoi.</li> </ul>	<p>Kua whakamahia ētahi āhuatanga reo e hāngai ana ki te tuhinga tautohe me ētahi whakaaro hei whakaniko i te whakaaro.</p>	<ul style="list-style-type: none"> <li>Reo raupapa <i>... tuatahi ko ngā rākau tērā e aukati i ngā mea kino kei te rangi.</i></li> <li>Reo whakakapi me te reo whakaputa whakaaro <i>Nā reira, ki aha nei kia mutu katoa te tope i ngā rākau māori.</i></li> <li>Ui makihoi <i>Mei kore he rākau, kei hea ngā manu e noho ana, e whai oranga ana.</i></li> </ul>	

## WHANAKETANGA 4: TAHA TUHITUHI (ā-Tā)

	He paetohu	Hei aronga mā te pouako	Te taunakitanga
Rautaki Reo	Ka mārāma atu, ka whakamahi anō te ākonga i ngā rautaki āhua huhua kua tohua i te taumata tuawhā o te marautanga hei whakaputa i ōna whakaaro i roto i āna tuhinga.		
	 <p><b>I a ia e tuhi ana:</b></p> <ul style="list-style-type: none"> <li>ka rapu, ka kōhi, ka whakaraupapa ia i ngā pārongo me ngā whakaaro i mua i te tuhituhi</li> </ul>	He tuhinga tēnei kua puta kē, heoi anō, i whakaritea e te kaituhi ōna whakaaro i te tuatahi. Kua mōhio hoki a ia he āwhina nui te whakatakoto whakaaro i mua i te tuhituhi.	Tirohia ngā pātai ārahi me ngā whakautu kei te mahere whakarite. Kua whakaritea he pātai hei tapanga mō ia kōwae.
	<ul style="list-style-type: none"> <li>ka arohaehae i āna ake tuhinga hukihuki, mā te arotake i ngā pārongo, i ngā whakaaro matua me ngā taunakitanga, i te reo i whakamahia, me te takoto mai o ngā kupu kia hāngai te tuhinga ki te hunga pānui me te pūtake tuhituhi.</li> </ul>	I whai haere te kaituhi nei i te tukanga tuhituhi ki te whakaputa i tēnei tuhinga.	Ko te tuhinga katoa te taunakitanga, arā, kua āta waihangatia, kua tika te nuinga o ngā whakatakotoranga reo.

### He Rauemi Tautoko

*He Tuhinga Tautohe.* He Manu Tuhituhi. Aronui Ltd (2008), whārangi 33–34, 41–48, me 70–73.

*Ka Rere te Manu ki te Ao Tuhituhi.* He Manu Tuhituhi. Aronui Ltd (2008).

*Hei Korowai Tuatahi mō te Marautanga Reo Māori: Te whakamahi i te marau reo Māori.* Te Tāhuhu o te Mātauranga (2008), whārangi 61–62.

*Ka Rere te Manu ki te Ao Tuhituhi.* He Manu Tuhituhi. Aronui Ltd (2008), whārangi 30–33 me 161–173.



## WHANAKETANGA 4: TAHA TUHITUHI (ā-Tā)

Ngā mahi aromatawai mō te tau 20\_\_

A series of horizontal dotted lines for writing.



# WHANAKETANGA 5: TAHA KŌRERO (ā-Waha)

E hāngai ana ki te ākonga kua tutuki i a ia te **Taumata 5** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka arotake anō te ākonga i ngā pūtake me ngā horopaki maha o ngā kōrero ā-waha, ā, ka tutuki i a ia ngā pūtake o te kōrero, ētahi pūtake ake a te Māori, me ngā pīkaunga kōrero i te taumata tuarima o te marautanga.
Puna Reo	Ka whakamahi, ka arotake anō te ākonga i ngā āhuatanga reo e tutuki ai ngā pīkaunga kōrero i te taumata tuarima o te marautanga.
Rautaki Reo	Ka whakamahi, ka arotake anō te ākonga i ngā rautaki āhua huhua nei e mārama ai ia ki tāna e rongona ana, e mārama anō ai ētahi atu ki ōna whakaaro.



### HE TAUIRA AROMATAWAI

#### Te Arotake Kaupapa – He Mahi Tautohetohe

##### He Horopaki Aromatawai

He mahi taupatupatu tēnei e kitea ai te kaha o te ākongā ki te whakaputa i ōna whakaaro, ahakoa he kōrero tene, he kōrero rānei kua āta whakaritea. I roto i ēnei tūmahī ka kitea anō te mātau o te ākongā ki te whakahoki kōrero, ki te hīkaro tikanga, ki te whakatau puehu, ki te tātari i te kaupapa, ki te aha noa atu. Heoi, ki te whakamahia tēnei momo ngohe hei aromatawai, me mātua mōhio te ākongā ki ngā āhuetanga o te taupatupatu, arā, me waia anō ki tēnei tūmahī. E pai ai te makere mai o te kōrero i te waha o te ākongā, me whakarite tētahi kaupapa e ngākaunuitia ana e ia. He tauira noa ngā kaupapa e whai ake nei:

*Āe rānei, kāo rānei me whiwhi moni (moni pūkoro) te taiohi mō te whakatika i te whare?*

*Āe rānei, kāo rānei me whiwhi waea pūkoro te tamaiti kua tekau ngā tau, pakeke ake rānei?*

*Āe rānei, kāo rānei me tū te whakataetae kapa haka o te motu i ia tau?*

I mua i te taupatupatu, me matapaki, me ohia manomano ngā ākongā i te kaupapa e puta ai te whānui me te hōhonu o ngā whakaaro.





Ko te mahi a te ākongā:

- he whakakaupapa i te mahi;
- he matapaki, he ohia manomano i te kaupapa e puta ai te whānui me te hōhonu o ngā whakaaro;
- he whakarite i tāna ake kōrero;
- he whakarongo ki ngā kōrero a tērā atu tīma;
- he tātari i aua kōrero, he hīkaro i te tikanga;
- he urupare, he whakahoki kōrero e aro mai ai te kaiwhakawā ki ōna whakaaro.


Ina mutu te taupatupatu, me whai wā anō ngā ākongā ki te arotake i ā rātou mahi.

Ko ēnei wāhanga katoa o te mahi, arā, ko te whakakaupapa i te mahi, ko te taupatupatu tonu me te arotake, he wā pai hei aromatawai i te reo o ngā ākongā.

# WHANAKETANGA 5: TAHA KŌRERO (ā-Waha)

	He paetohu	Ko tā te pouako	Hei aronga mā te pouako
Āheinga Reo	Ka mārama atu, ka arotake anō te ākongā i ngā pūtake me ngā horopaki maha o ngā kōrero ā-waha, ā, ka tutuki i a ia ngā pūtake o te kōrero, ētahi pūtake ake a te Māori, me ngā pīkaunga kōrero i te taumata tuarima o te marautanga.		
	<p> <b>Ina whakarongo ia:</b></p> <ul style="list-style-type: none"> <li>ka tautohua e ia te tāhuhu o te kōrero</li> </ul>	<i>He aha te tino kaupapa e kawea ana e te kaikōrero? He tikanga atu anō kei tua i te kupu?</i>	Ka taea e te ākongā te āta whakamārama te kaupapa o te kōrero a tētahi atu?
	<ul style="list-style-type: none"> <li>ka arohaehaetia, ka arotakea mehemea i ea i te kaikōrero tāna i whai ai kia tutuki i roto i tana kōrero</li> </ul>	<i>Ki ōu whakaaro, i tutuki i te kaikōrero tāna i whai ai? Tēnā, whakamāramahia mai ō whakaaro.</i>	I pēhea tana whakamārama i ōna whakaaro mō te whaihua o te kōrero?
	<ul style="list-style-type: none"> <li>ka whai kia mārama te nuinga o te kōrero i ngā horopaki kāore pea e taunga ana ia.</li> </ul>	<i>He aha ngā mea i mārama ai koe? Me pēhea koe e mārama ai ki te kōrero, ahakoa he kaupapa, he horopaki hou ki a koe?</i>	He aha tāna mahi i ngā wā kāore e tino mārama ana ngā kōrero, e whai tonu ai ia i te ia o te kōrero? Ka taea e ia te whakamārama ake te kōrero ahakoa he horopaki hou?
	<p> <b>Ina kōrero ia:</b></p> <ul style="list-style-type: none"> <li>ka whakaputa whakaaro ia i runga i te mārama me te whakapono</li> </ul>	<i>Tēnā, whewherangia mai ōu ake whakaaro mō te kaupapa nei.</i>	Ka taea e te ākongā te whakamārama ake ōna whakaaro?
	<ul style="list-style-type: none"> <li>ka aro nui anō ki te kaupapa, ki te horopaki, me te hunga whakarongo (ahakoa he kōrero tene, he kōrero rānei kua āta whakaritea)</li> <li>ka pai te hono tahi o ngā whakaaro i te mārama ōna ki ētahi āhuatanga e nahanaha ai te kōrero ā-waha.</li> </ul>	<i>Ka pēhea tō whakaawe i te kaiwhakarongo e aro ai ia ki a koe?</i>  <i>Me pēhea te whakaraupapa i ngā whakaaro e mārama pū ai, e whakapono ai te kaiwhakarongo ki a koe?</i>	Ka taea e te ākongā te whakaahua, te whakamārama te huarahi ka whāia e ia i roto i tana kōrero?  Kei te rere anō te reo whakaraupapa? Hei tauira: “kātahi ka”, “ka ... ai”, “kia oti tēnā ka”, “Nō reira”.
Puna Reo	Ka whakamahi, ka arotake anō te ākongā i ngā āhuatanga reo e tutuki ai ngā pīkaunga kōrero i te taumata tuarima o te marautanga.		
	<p> <b>Ka whakaatu i tana mōhio ki:</b></p> <p></p> <ul style="list-style-type: none"> <li>ētahi āhuatanga motuhake o te kōrero ā-waha, hei tauira, te tāruaruatanga, te uiui, te whakaatu ki āna ake kupu, te haukotu kōrero, te whakamihī, te kōrero paki, ngā hononga o te reo o te tinana ki te tikanga o te kōrero</li> </ul>	<i>He aha ētahi āhuatanga o te reo e maumaharatia ai tō kōrero?</i>	E whakamahia ana ngā kupu whāiti e tika ana? Kei reira anō ngā kōrero pērā i te “ <i>Ki a mātou nei</i> ”, “ <i>E ai ki</i> ”? I pēhea te hāngai o tōna reo, āna kupu, āna kiwaha ki te kaupapa me te momo reo? I oti i a ia te whakatakoto ōna whakaaro i te wā i whakaritea hei kōrero māna?
	<ul style="list-style-type: none"> <li>te reo, te hā, me te momo reo (hei tauira, te reo ōpaki, te reo ōkawa rānei) e tika ana</li> </ul>	<i>He aha i pēnā ai tō whakatakoto i te kōrero?</i>	
	<ul style="list-style-type: none"> <li>ētahi kupu e mārama pū ai te tikanga, ahakoa te iti o te kōrero.</li> </ul>	<i>He poto noa iho te wā ki a koe, nō reira, kia hāngai te kōrero ki te kaupapa.</i>	

# WHANAKETANGA 5: TAHA KŌRERO (ā-Waha)

He paetohu	Ko tā te pouako	Hei aronga mā te pouako	
Ka whakamahi, ka arotake anō te ākongā i ngā rautaki āhua huhua nei e mārama ai ia ki tāna e rongō ana, e mārama anō ai ētahi atu ki ōna whakaaro.			
<b>Rautaki Reo</b>  <b>I a ia e whakarongo ana, e kōrero ana:</b> <ul style="list-style-type: none"> <li>ka patapatai ia kia kitea mai ai tāna i pīrangī ai</li> </ul>	<i>He aha koe i mōhio ai ki tērā?</i>	I pēhea tana kaha ki te whiu pātai i ngā wā kāore ia i te whai i te ia o te kōrero, e hiahia ana rānei ia ki te mōhio ki tētahi kaupapa?	
	<ul style="list-style-type: none"> <li>ka titiro ki te āhua o te aro mai a te hunga whakarongo me te whakarerekē i te tere, i te āhua tonu o te kōrero, ka kimi ara anō hei whakapuaki i te whakaaro, ka tārua rānei i te kōrero, e pai ake ai te whai mai a te hunga whakarongo</li> </ul>	<i>Me pēhea koe e mōhio ai mēnā kei te aro mai te kaiwhakarongo ki a koe?</i>  <i>Ki te kore te kaiwhakarongo e aro mai, ka aha koe?</i>	He pēhea te whakarerekē a te ākongā i te hau, i te piki, me te heke o te reo kia mārama ake ai ana kōrero ki te hunga whakarongo?  Ka taea e ia te whakapuaki ōna whakaaro ki ētahi kupu kē atu?
	<ul style="list-style-type: none"> <li>ka whai kia tau te puehu i te taupatupatu, ki te whakaoti rapanga rānei.</li> </ul>	<i>He aha ngā momo kōrero hei whakatau i te raruraru?</i>	Ka āta whakamahia e te kaikōrero ētahi āhuatanga reo ā-waha, ā-tinana rānei hei kukume, hei kawē i te hunga whakarongo?  Kua mōhio ia ki ētahi rautaki reo e tau ai te puehu, e tutuki ai rānei tētahi kaupapa uaua?

## Ētahi Atu Taurā Aromatawai: Te Arotake Kaupapa

Ko tā te ākongā:

- he huri i te āhua o te taki haere i te paki, i te kōrero rānei mō tētahi āhuatanga i pā, kia hāngai ake ki tētahi hunga mātakitaki, hunga whakarongo hou. Hei taurā:
  - tētahi pitopito kōrero o te wā i pānuitia ki te reo irirangi ā-motu, ka hurihia hei pāho ki tētahi reo irirangi mā te rangatahi.
  - tētahi kōrero i tuhia ka hurihia hei kōrero ā-waha.
  - he waiata ka hurihia hei paki.
- he whakarongo, he mātaki rānei i te takinga o tētahi āhuatanga i pā i Aotearoa i ngā tau kua pahure (ka hikina te kōrero i tētahi taumata o roto i te takinga), e pai ai tana whiriwhiri ka pēhea te otinga atu, nā runga anō i ngā kōrero kua puta taka mai ki te wā i hikina ai te kōrero.
- he kōrero tene mō tētahi wā ka whakaritea, ki tētahi kaupapa ka whakaritea.
- he taki anō i tētahi pitopito kōrero o te wā i pānuitia ki te pouaka whakaata, ki te reo irirangi rānei, me te kuhu atu i tāna anō titiro ki roto.
- he taki haere i tētahi ataata kupukore.

Ngā mahi aromatawai mō te tau 20\_\_

---



---



---



---



---



## WHANAKETANGA 5: TAHA PĀNUI (ā-Tā)

E hāngai ana ki te ākonga kua tutuki i a ia te **Taumata 5** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka arotake anō te ākonga i ngā pūtake o ngā tuhinga kei te taumata Miro, kei te taumata tuarima anō o te marautanga.
Puna Reo	Ka mārama atu, ka arotake anō te ākonga i ngā āhuatanga reo me ngā whakatakoto i roto i ngā tuhinga kei te taumata Miro, kei te taumata tuarima anō o te marautanga.
Rautaki Reo	Ka whakamahi, ka arotake anō te ākonga i ngā rautaki pānui e mārama ai ia ki ngā tuhinga kei te taumata Miro, kei te taumata tuarima anō o te marautanga.

# WHANAKETANGA 5: TAHA PĀNUI (ā-Tā)



## HE TAUIRA AROMATAWAI


### Tauira 1: Mahi Ana Tātou, Kai Ana! Miro (Tuhinga Pohewa)

He paetohu	Ko tā te pouako	Ko tā te ākongā whakautu												
<p>Ka mārama atu, ka arotake anō te ākongā i ngā pūtake o ngā tuhinga kei te taumata Miro, kei te taumata tuarima anō o te marautanga.</p>														
<p><b>Ina pānui ia:</b></p> <ul style="list-style-type: none"> <li>ka whakahiato ia i ngā whakaaro matua, i ngā tāhuhu hoki o ngā tuhinga pohewa me ngā pārongo matua, ngā tāhuhu hoki o ngā tuhinga pono, ka matapaki anō i ngā taunakitanga e tautoko ana i aua kōwhiringa</li> </ul>	<p><i>Kimihia ngā kōrero i roto i te tuhinga e tohu ana kua huri ngā whakaaro o Rangī e pā ana ki tana noho ki te pāmu.</i></p>	<table border="1"> <tr> <td data-bbox="847 577 1043 725"> <p>Wh. 10 I mea tā ahau i te timatanga he kāinga kōro tōnei. Kōro e mutu te mahi.</p> </td> <td data-bbox="1043 577 1270 725"> <p>Wh. 10 Engari kei te wāhi mahi ahau ki tōnei.</p> </td> <td data-bbox="1270 577 1473 725"> <p>I te timatanga, kōro e pai ana ki a Rangī te timatanga o te mahi engari i auanei kua tau tōna noho.</p> </td> </tr> <tr> <td data-bbox="847 725 1043 873"> <p>Wh. 16 Nōho ana kōro kōro rāua aua ahau i pāngi ki te haere mai ki kōro. Ka tōro waea pūkoro hoki tōhū take i āwangawanga tā ahau.</p> </td> <td data-bbox="1043 725 1270 873"> <p>Wh. 16 Nō reira, kōro aua ahau ki whakawāhi i tāu waea pūkoro, engari kei te ara tōro.</p> </td> <td data-bbox="1270 725 1473 873"> <p>He tino āwangawanga tōro waea pūkoro ki a ia. Kua tōro ahau e tōro ana tōro whakawāhi.</p> </td> </tr> <tr> <td data-bbox="847 873 1043 1021"> <p>Wh. 18 I mātaku ahau ki te mātaka i a Ahitereiria, te kau.</p> </td> <td data-bbox="1043 873 1270 1021"> <p>Wh. 18 Kua wāhi ahau ki te mātaka i a ia, kua wāhi aua i te ahau.</p> </td> <td data-bbox="1270 873 1473 1021"> <p>He aua tōro te mātaka kau ki a ia, ā kua mātaka engari he āngāwai kōro tōro.</p> </td> </tr> <tr> <td data-bbox="847 1021 1043 1160"> <p>Wh. 23 Ka tōna hōhā he mātakitaki i te pouaka whakaata</p> </td> <td data-bbox="1043 1021 1270 1160"> <p>Wh. 23 I wāhi ahau i a tōro. Nōhoi, tōro ā, kua mahere te kōro. Mātaka aua ahau. Ohoi, he āngāwai ki te mātakitaki.</p> </td> <td data-bbox="1270 1021 1473 1160"> <p>Kua tōro te painga o te mātakitaki i tōna pouaka, tōro kōro. He pai aua i te mātakitaki pouaka whakawāhi.</p> </td> </tr> </table>	<p>Wh. 10 I mea tā ahau i te timatanga he kāinga kōro tōnei. Kōro e mutu te mahi.</p>	<p>Wh. 10 Engari kei te wāhi mahi ahau ki tōnei.</p>	<p>I te timatanga, kōro e pai ana ki a Rangī te timatanga o te mahi engari i auanei kua tau tōna noho.</p>	<p>Wh. 16 Nōho ana kōro kōro rāua aua ahau i pāngi ki te haere mai ki kōro. Ka tōro waea pūkoro hoki tōhū take i āwangawanga tā ahau.</p>	<p>Wh. 16 Nō reira, kōro aua ahau ki whakawāhi i tāu waea pūkoro, engari kei te ara tōro.</p>	<p>He tino āwangawanga tōro waea pūkoro ki a ia. Kua tōro ahau e tōro ana tōro whakawāhi.</p>	<p>Wh. 18 I mātaku ahau ki te mātaka i a Ahitereiria, te kau.</p>	<p>Wh. 18 Kua wāhi ahau ki te mātaka i a ia, kua wāhi aua i te ahau.</p>	<p>He aua tōro te mātaka kau ki a ia, ā kua mātaka engari he āngāwai kōro tōro.</p>	<p>Wh. 23 Ka tōna hōhā he mātakitaki i te pouaka whakaata</p>	<p>Wh. 23 I wāhi ahau i a tōro. Nōhoi, tōro ā, kua mahere te kōro. Mātaka aua ahau. Ohoi, he āngāwai ki te mātakitaki.</p>	<p>Kua tōro te painga o te mātakitaki i tōna pouaka, tōro kōro. He pai aua i te mātakitaki pouaka whakawāhi.</p>
<p>Wh. 10 I mea tā ahau i te timatanga he kāinga kōro tōnei. Kōro e mutu te mahi.</p>	<p>Wh. 10 Engari kei te wāhi mahi ahau ki tōnei.</p>	<p>I te timatanga, kōro e pai ana ki a Rangī te timatanga o te mahi engari i auanei kua tau tōna noho.</p>												
<p>Wh. 16 Nōho ana kōro kōro rāua aua ahau i pāngi ki te haere mai ki kōro. Ka tōro waea pūkoro hoki tōhū take i āwangawanga tā ahau.</p>	<p>Wh. 16 Nō reira, kōro aua ahau ki whakawāhi i tāu waea pūkoro, engari kei te ara tōro.</p>	<p>He tino āwangawanga tōro waea pūkoro ki a ia. Kua tōro ahau e tōro ana tōro whakawāhi.</p>												
<p>Wh. 18 I mātaku ahau ki te mātaka i a Ahitereiria, te kau.</p>	<p>Wh. 18 Kua wāhi ahau ki te mātaka i a ia, kua wāhi aua i te ahau.</p>	<p>He aua tōro te mātaka kau ki a ia, ā kua mātaka engari he āngāwai kōro tōro.</p>												
<p>Wh. 23 Ka tōna hōhā he mātakitaki i te pouaka whakaata</p>	<p>Wh. 23 I wāhi ahau i a tōro. Nōhoi, tōro ā, kua mahere te kōro. Mātaka aua ahau. Ohoi, he āngāwai ki te mātakitaki.</p>	<p>Kua tōro te painga o te mātakitaki i tōna pouaka, tōro kōro. He pai aua i te mātakitaki pouaka whakawāhi.</p>												
<ul style="list-style-type: none"> <li>ka arohaehaetia, ka arotakea mehemea i ea i te kaituhi te pūtake i tuhi ai ia</li> </ul>	<p><i>Ki ōu whakaaro, i pēhea te whaihua o tā te kaituhi taki haere i te paki nei ānō nei ko Rangī tonu tērā e tuhituhi ana, e kōrero ana?</i></p>	<p><i>Kua tuhia hei reta. Ko Rangī te kaituhi. Ko ngā kōrero katoa mai i tāna tirohanga. Nō reira, i amuamu ia mō te oho moata ia ata, te taumaha o ngā mahi, te kore whakamahi i te pouaka whakaata me tana waea pūkoro.</i></p>												
<ul style="list-style-type: none"> <li>ka matapaki, ka parahau anō ia i ōna whakaaro ki taua tuhinga.</li> </ul>	<p><i>He maha ngā wāhi i te paki nei e whakataurite ana a Rangī i tana noho i te pāmu, me te whai anō kia ngahau te kōrero. Kimihia ētahi tauira, ka whakamārama mai ai he aha i ngahau ai aua kōrero.</i></p>	<ul style="list-style-type: none"> <li>Te hanga o ngā rerenga kōrero. Hei tauira: whārangi 6. <i>Kāti, aonga ake i tōku taenga mai, ka pātōtō mai a Koro Tipi ki tāku kūwaha i te ono karaka i te ata! Ono karaka! Kei te whakapono mai kōrua?</i></li> <li>Ko te ingoa o te kau mīraka. Whārangi 18–19. <i>Ko Ahitereiria tōna ingoa nā te mea he mahere pango o Ahitereiria ki tōna puku. Kua tino tohua e te pikitia. Ka kata ahau me te painga o taua ingoa.</i></li> <li>I tino āwangawanga a Rangī me te kore whakamahi i tana waea pūkoro. Whārangi 16–17. <i>Ka whakamāramahia e tōna koroua, mēnā ka kake maunga teitei ka taea. Ka tohua e te pikitia te pā nino o tēnei ki a Rangī.</i></li> </ul>												

Āheinga Reo



## WHANAKETANGA 5: TAHA PĀNUI (ā-Tā)

He paetohu	Ko tā te pouako	Ko tā te ākongā whakautu
<p>Ka mārama atu, ka arotake anō te ākongā i ngā āhuetanga reo me ngā whakatakoto i roto i ngā tuhinga kei te taumata Miro, kei te taumata tuarima anō o te marautanga.</p>		
<p><b> Ka whakaatu ia i tana mōhio ki:</b></p> <ul style="list-style-type: none"> <li>te pānui i ngā kupu tae atu ki ngā kupu kura wānanga, ngā kupu o tētahi kaupapa whāiti, me ngā kupu ā-iwi</li> <li>te reo peha me te reo tūturu, ā, ka tātari i ēnei hanga</li> <li>te huhua noa o ngā āhuetanga whakanahanaha i te tuhinga.</li> </ul>	<p><i>Pānuitia ā-wahatia ētahi kōrero a Rangī e tohu ana he pono tonu āna kōrero ki ōna mātua, kāore ia i te teka, i te whakamōmona kōrero noa.</i></p> <p><i>Kī tā te koroua o Rangī, ko te pouaka whakaata kāore e whakamahia ana, "He moumou taima, he moumou tinana, he moumou aroha." (Whārangi 23.) Ka roa tonu a Rangī e rapu ana i te tikanga o tēnei kōrero (whārangi 25). Whakahuatia mai ki āu ake kupu te māramatanga ka tau ki a Rangī i tēnei kōrero.</i></p> <p><i>Whakamahia ngā taitara o ngā upoko hei whakarāpopoto i te huri haere o ngā whakaaro o Rangī ki te noho i te pāmu i te takanga o te wā. Kimihia he kōrero e whakaata ana i ōna whakaaro, i ōna kare ā-roto i tēnā, i tēnā upoko.</i></p>	<p><i>Whārangi 6.</i> <i>Kāti, aonga ake i tōku taenga mai, ka pātōtō mai a Koro Tipi ki tāku kūwaha i te ono karaka i te ata. Ono karaka! Kei te whakapono mai kōrua?</i></p> <p><i>Whārangi 16.</i> <i>He kori tō Manu momo. Kātahi te kurī mārama. Kotahi anake te mea kāore a ia i te mōhio, ko te here i ngā pūtu o Koro. Tika tonu!</i></p> <p><i>Kāore ngā mea kino e kitea ana, e rangona ana i runga pouaka whakaata i te pā atu ki tōna kuia, ki tōna koroua. Ka mahi rāua mō te roanga o te rā, nō reira kāore he kupu kino, kāore he whakaaro kino.</i></p> <ul style="list-style-type: none"> <li>He kāinga kino: <i>He tino rerekē te noho ki tuawhenua ki te noho i te tāone.</i></li> <li>He kāinga mahi: <i>Ko te nuinga o te wā ki te pāmu ko te mahi pāmu.</i></li> <li>He kāinga rerekē: <i>Ko te miraka kau tētahi o ngā mahi e rerekē ana ki a ia.</i></li> <li>He kitenga whakamāharo: <i>Kua kitea ngā hua ka puta mai mēnā kāore ia i te mātakitaki i te pouaka whakaata.</i></li> <li>He kāinga whakangahau: <i>Kua whakamahia ngā mahi ngahau ki a ia, pērā i te eke hōiho.</i></li> </ul>

# WHANAKETANGA 5: TAHA PĀNUI (ā-Tā)

## He paetohu

## Ko tā te pouako

## Ko tā te ākongā whakautu


Ka whakamahi, ka arotake anō te ākongā i ngā rautaki pānui e mārama ai ia ki ngā tuinga kei te taumata Miro, kei te taumata tuarima anō o te marautanga.

### I a ia e pānui ana:

- ka whakaū ia i ngā māramatanga mai i ngā pārongo mataaho, ka hīkaro anō i ngā māramatanga mai i ngā pārongo matahuna

Arā he kōrero i te whārangi 29 e whakaahua ana i tētahi wāhi i haere ai a Rangī ki te pārekareka māna. Tērā pea he tauhou ētahi o ngā kupu, arā, ko te "toka papa", ko te "heke pānakitanga", ko te "whāriki pūkōhu".

Āta pānuitia te kōrero nei, ka tā mai ai i tōna āhua, me te whakaingoa haere i ōna wāhanga.



- ka whakamahia e ia he rautaki mai i tana puna rautaki whānui ka wawe tonu te whai kiko, ka arotake anō i te kaha o te pānga o taua rautaki.

Me takatū anō koe ki te kōrero mō ngā tīwhiri i ārahi i a koe ki te tā haere i tō whakaahua.

Ka tahi, i pānuihia te kōrero katoa.

Ka rua, i tuhi ahau i ngā rerenga kōrero e tohu ana i te āhua o taua wāhi.

Ka toru, ka wetewete ahau i ētahi o ngā kupu tauhou me te tahuri ki te papakupu i muri mai.

Ka whā, ka tuhi mahere ahau, ka tā i ngā wāhi. Ki taku nei mōhio kei te tika taku pikitia, engari kāore tonu ahau i te tino mōhio ki te āhua o te wheuwheu.

Rautaki Reo

5

Ngā mahi aromatawai mō te tau 20\_\_

Handwriting practice area with horizontal dotted lines for writing.



# WHANAKETANGA 5: TAHA TUHITUHI (ā-Tā)

E hāngai ana ki te ākonga kua tutuki i a ia te **Taumata 5** o *Te Marautanga o Aotearoa* me te mahi ko ia anake.

Te Tino Wāhanga Reo	Ngā Whāinga
Āheinga Reo	Ka mārama atu, ka tātari anō te ākonga i te kaupapa, i te pūtake, me te āhua o ngā momo tuhinga āhua huhua nei, ā, ka tutuki i a ia āna ake pūtake tuhituhi, ētahi pūtake ake a te Māori, me ngā pūtake i te taumata tuarima o te marautanga.
Puna Reo	Ka mārama atu, ka whakamahi anō te ākonga i ngā āhuatanga reo i roto i āna tuhituhi i te taumata tuarima o te marautanga.
Rautaki Reo	Ka mārama atu, ka whakamahi anō te ākonga i ngā rautaki āhua huhua nei kua tohua i te taumata tuarima o te marautanga, hei whakaputa i ōna whakaaro i roto i āna tuhinga.

## HE TAUIRA AROMATAWAI

### E te Ētita – He Tuhinga Tautohe

#### Te Horopaki Ako mō “E te Ētita”

Ko te kaupapa ako, ko te whakanui i te wiki o te reo Māori. Ko te pūtake tuhITUHI, ko te whakawhere i te kaupānui kia whakaakona te reo Māori i roto i ngā kura. He reta ki te ētita tēnei tuhinga, he whakautu ki tētahi atu reta ki te ētita e mea ana kia kaua e whakaakona te reo Māori i roto i ngā kura.

He tuhinga tautohe tēnei e whakaatu ana i:

- tā te kaituhi tirohanga e pā ana ki te whakaako i te reo Māori i roto i ngā kura;
- te whakatakotoranga take;

- ngā tautohenga;
- tētahi whakarāpopotonga hei whakakapi i te tuhinga.

Kua whakatakoto te kaituhi i āna tohenga matua e toru, i runga anō i te reo ui makihoi hei rautaki whakawhere i te kaupānui kia aro mai ki tāna titiro. Kī ana te tuhinga i te tātorutanga, i te ui makihoi, i te kīanga, arā, ko te reo peha te nuinga. Kua tāpiria hoki e te kaituhi ngā tuhinga a tētahi atu hei tautoko i tāna e hoe nei. Hei te mutunga, ko te tino pūtake o te tuhinga tautohe, arā, kia tautoko te kaupānui i tā te kaituhi tirohanga.

### Tā te ākongā tuhinga whakaputa

#### E te Ētita

Kātahi anō māua ko tōku hoa ko Putiputi ka pānui i tētahi reta a tētahi tangata mai HongeoKa Ki te ētita e pā ana ki: “He aha te hua o te reo Māori ki roto i ngā kura”. Hika mā, ka aroha hoki!

Ānei tāku:

Mā te Kōrero i te reo ka ora ai, mā te ora o te reo ka rangatira, ahakoa he aha te reo. Arā, he rangatira te tangata Kōrero i tōna reo ake. Ko te kaupapa “He aha te hua o te reo Māori i roto i ngā kura?” Ko mātau ngā tangata whenua e tika tonu ana me ako tonu mātau i te reo Māori. E haere ana ahau ki te kura kaupapa Māori. I whakatūria ngā kura kaupapa Māori me ngā kōhanga reo nā te mea i patua e ngā kura Pākehā te reo, te wairua, te rangatiratanga o te tamaiti Māori.

Ko tōku hāku i whāngaitia te reo Māori ki ōku whanaunga ake. Me te mea nei hoki ahakoa te aha ka pīrangī tonu mātau i ā mātau waiata ake, i ā mātau haka i roto i tō mātau ake reo.

Arā, pērā i te haka, “Ka mate, Ka mate” ki te hākaina i roto i te reo Pākehā he pai, he aha rānei? Kore rawa ahau e whakaae ki tērā. Ka ahatia te wairua o taua haka? Ka ahatia te ihi? Ka ahatia te wana? E hika! Ka mate noa iho, ka kore noa iho.

Ina ka whai i te Kōrero waiho te reo Māori i roto i ngā kīanga, ka pēhea tātau? Ka pēhea hoki a Aotearoa? Nā ngā tangata pērā i a Apirana Ngata i whakakaha te iwi Māori i tana Kōrero:

“Ko tō ringa ki ngā rākau a te Pākehā hei oranga mō tō tinana; ko tō ngākau ki ngā taonga a ō tipuna hei tikitiki mō tō māhunga; ko tō wairua ki te atua nāna nei ngā mea katoa.”

E hoa, me whai tātau i tērā Kōrero? Kī a au nei ina kāhore tō ringa e pā, kāhore tō ngākau e ū, kāhore tō wairua e pono ki tōu ake rangatiratanga. Mōmou ngā Kōrero, otirā ka mate ngā hitori o Aotearoa whānui. Ko wai rā mātau? Nōhea hoki mātau?” He tino taonga tuku iho te reo Māori. He tino taonga tuku iho te reo Pākehā. Ngā reo katoa he taonga.

Kī a au nei ina kāhore tōu ake reo, kāhore hoki te wairua. Ānei kē pea te Kōrero tika; me ako tātau i ngā reo e rua, e toru, hei tikitiki mō ō tātau māhunga, hei huaki i ngā kuaha o te ao.

Nō reira e te ētita, kīa kaha ki te tuhi i tēnei Kōrero kīa rata ai te manomano tangata he tino taonga te reo Māori. Kia tau ngā manaakitanga ki runga i tērā tangata mai HongeoKa.

Nāku noa

Kōtiro Māori

Kua whakatakoto i tāna kaupapa, arā, he aha te hua o te reo?

Kua whiria tētahi kīanga kua rangona whānuitia hei tīmatanga, koia hoki ko te tohenga matua tuatahi.

He tohenga e tautoko ana i te tohenga matua.

Kua whakatakotoria he tātorutanga – e toru ngā ui makihoi hei whakakaha i te āhua whakaiti.

Kua tāpirihia he tuhinga rongonui a Tā Apirana Ngata hei kīnakitanga.

He kupu whakakapi hei whakakaha i te whakakapinga.

Te mihi whakaoti.

Te mihi whakatuwhera.

He kupu hākiki, arā, he ātete te tikanga o ēnei kupu.

Kua hangaia tēnei rerenga kia noho ki te pito mutunga te haunui hei whakakaha i te whakaari.

He tohenga e tautoko ana i te tohenga matua.

Kua whakamahia he ui makihoi hei whakakaha i te tohenga matua tuarua.

Kua whakamahia anō he tātorutanga hei whakakaha i te tohenga matua tuatoru.


He huahuatau hei whakakaha i tēnei tohenga.

He kupu whakatau.

# WHANAKETANGA 5: TAHA TUHITUHI (ā-Tā)

	He paetohu	Hei aronga mā te pouako	Te taunakitanga
Āheinga Reo	<p>Ka mārama atu, ka tātari anō te ākongā i te kaupapa, i te pūtāke, me te āhua o ngā momo tuhinga āhua huhua nei, ā, ka tutuki i a ia āna ake pūtāke tuhituhi, ētahi pūtāke ake a te Māori, me ngā pūtāke i te taumata tuarima o te marautanga.</p> <p>» Ina tuhi ia:</p> <ul style="list-style-type: none"> <li>ka tutuki i a ia ngā tuhinga whaihua mō ngā pūtāke maha e hāngai ana ki te kaupapa, te horopaki, me te hunga pānui</li> </ul>	<p>Kua tuhia he tuhinga tautohe e whakaatu ana i ōna whakaaro mō te whakaako i te reo Māori i roto i ngā kura. Kua mōhio a ia ko te kaupānui matua ko te ētita o tētahi niupepa.</p>	
	<ul style="list-style-type: none"> <li>ka arorau ngā whakaaro, ā, he whai kounga tonu te whakatinana whakaaro me te whakaraupapa whakaaro.</li> </ul>	<p>He tino whai pānga te raupapa whakaaro: ka tīmata te kaituhi ki te whakamōhio atu i ōna whakaaro mō tētahi tuhinga i kitea e ia i roto i te niupepa. I whakatakato ia i ōna whakaaro kia mōhio ai te kaupānui he hua ō te ako i te reo. Kua raupapatia ōna whakaaro i te tohenga matua, "mā te kōrero i te reo ka ora ai, mā te ora o te reo ka rangatira", ā, kua whakatakato ia i ētahi atu tohenga hei tautoko i tōna tohenga matua.</p> <p>He tino whai pānga hoki te whakatinanatanga whakaaro – i ngā huahuatau, i ngā kupu whakaahua ka kite, ka rongu hoki te kaupānui i te āhua o ōna whakaaro mō te reo.</p>	<p>Tirohia te tuhinga.</p> <p>Hei tauira:</p> <p><i>"mā te ora o te reo ka rangatira ..."</i></p> <p><i>"ko tō ringa ki ngā rākau a te Pākēhā hei oranga mō tō tinana; ko tō ngākau ki ngā taonga a ō tipuna hei tikitiki mō tō māhunga; ko tō wairua ki te atua nāna nei ngā mea katoa."</i></p> <p><i>"... kāhore tō ringa e pā, kāhore tō ngākau e ū, kāhore tō wairua e pono ki tōu ake rangatiratanga."</i></p> <p><i>"hei huaki i ngā kuaha o te ao."</i></p>
Puna Reo	<p>Ka mārama atu, ka whakamahi anō te ākongā i ngā āhuatanga reo i roto i āna tuhituhi i te taumata tuarima o te marautanga.</p> <p>» Ka whakaatu ia i tana mōhio ki:</p> <ul style="list-style-type: none"> <li>ngā kupu āhua huhua nei e hāngai ana ki āna kaupapa tuhituhi</li> </ul>	<p>Kua whiria e te kaituhi ngā kupu ka whakaatu i tōna aroha, i tōna hononga ki te reo Māori.</p>	<p>Hei tauira:</p> <p><i>"Arā, he rangatira te tangata kōrero i tōna reo ake."</i></p> <p><i>"he tino taonga tuku iho te reo Māori"</i></p> <p><i>"ki a au nei ina kāhore tōu ake reo, kāhore hoki te wairua."</i></p>
	<ul style="list-style-type: none"> <li>te whakamahi i te irapiko</li> </ul>	<p>Kua tika tana whakamahi i te irapiko.</p>	<p>Hei tauira:</p> <p><i>"Hika mā, ka aroha hoki!"</i></p>
	<ul style="list-style-type: none"> <li>te tātaki tika i ngā kupu me te whakamahi tika i te tohutō</li> </ul>	<p>Kua tātaki tika te kaituhi i ngā kupu katoa, ā, kua tika hoki te whakamahi i te tohutō.</p>	<p>Tirohia te tuhinga.</p>
	<ul style="list-style-type: none"> <li>ngā momo rerenga matatini me te whakaraupapa tuhinga ki te kōwae piringa tahi hei waihanga i te tuhinga pipiri</li> </ul>	<p>He pai te whakatakatoranga o ētahi rerenga matatini hei hono i ngā whakaaro. Kua whakaraupapa i te tuhinga ki ngā kōwae e hāngai ana ki ngā tohenga matua me ngā tohenga tautoko.</p>	<p>Tirohia te tuhinga</p>
	<ul style="list-style-type: none"> <li>ngā āhuatanga reo e hāngai ana ki ngā pūtāke tuhituhi, te reo peha me ōna pānga (hei tauira, te ui makihoi, te huahuatau, me te tātorutanga).</li> </ul>	<p>Kua whakamahia e te kaituhi ngā āhuatanga reo e hāngai ana ki te pūtāke, pēnei me te reo tūhono i te take me te pānga, te reo whakaputa whakaaro me te reo whakakāpi.</p>	<p>Hei tauira:</p> <p>Te reo tūhono i te take me te pānga</p> <p><i>"Arā, ... ko mātou ... Me te mea nei ... E hika ... Ki a au nei ..."</i></p> <p>Te reo whakaputa whakaaro</p> <p><i>"he aha te hua o te reo ..."</i></p> <p><i>"Ānei kē pea te kōrero tika ..."</i></p> <p>Te reo whakakāpi</p> <p><i>"Nō reira kia kaha ki te tuhi i tēnei kōrero kia rata ai te manomano tāngata ..."</i></p>

## WHANAKETANGA 5: TAHA TUHITUHI (ā-Tā)

He paetohu	Hei aronga mā te pouako	Te taunakitanga
<p>Ka mārama atu, ka whakamahi anō te ākongā i ngā rautaki āhua huhua nei kua tohua i te taumata tuarima o te marautanga hei whakaputa i ōna whakaaro i roto i āna tuhinga.</p>		
<p><b>Rautaki Reo</b></p> <p> <b>I a ia e tuhi ana:</b></p> <ul style="list-style-type: none"> <li>ka rapu, ka kōhi, ka arotake ia i ngā rauemi hei tautohu i ngā pārongo me ngā whakaaro e hiahia ana, ka whakaraupapa hoki i ngā pārongo me ngā whakaaro ki tētahi mahere e hāngai ana ki te anga o te momo tuhinga</li> <li>ka arohaehae i ngā tuhinga kia hāngai te āhua o ngā tuhituhi, te momo tuhinga, me te momo reo ki te hunga pānui, kia ea ai hoki te pūtake o te tuhinga.</li> </ul>	<p>Ka waihanga te kaituhi i tētahi “mahere hinengaro” hei kohikohi, hei whakarite i ōna whakaaro. Kātahi ka āta whakaaro ia ki ngā kupu hei whakaahua i ōna whakaaro, i ōna hiahia me tōna aroha hoki ki te reo.</p> <p>He tauira tēnei e whakaatu ana i te whanaketanga o tētahi kaituhi e mārama pai ana ki te hunga pānui, oti anō ki te whānuitanga me te hōhonutanga o ōna whakaaro.</p> <p>Kua whāia e te kaituhi te tukanga tuhituhi ki tōna whakaputanga, ā, kua tukuna atu e ia te tuhinga ki te ētita o te niupepa.</p>	

### He Rauemi Tautoko

*He Tuhinga Tūhono.* He Manu Tuhituhi. Aronui Ltd (2008), whārangi 23–28 me 74–77.

*Hei Korowai Tuatahi mō te Marautanga Reo Māori: Te whakamahi i te marau reo Māori.* Te Tāhuhu o te Mātauranga (2008), whārangi 65–67.

*Ka Rere te Manu ki te Ao Tuhituhi.* He Manu Tuhituhi. Aronui Ltd (2008), whārangi 32–33 me 161–173



## WHANAKETANGA 5: TAHA TUHITUHI (ā-Tā)

Ngā mahi aromatawai mō te tau 20\_\_

A series of horizontal dotted lines for writing, spanning the width of the page below the title and above the footer.

# HE KUPU TAKA

<b>ahopiri</b> <i>dependent clause</i>	<b>reo peha</b> <i>figurative language</i>
<b>ahotū</b> <i>independent clause</i>	<b>rerenga</b> <i>sentence</i>
<b>āhuatanga whakanahanaha</b> <i>organisational features</i>	<b>rerenga matatini</b> <i>complex sentence</i>
<b>ahurea</b> <i>culture</i>	<b>tāhuhu</b> <i>whakaaro tāhuhu underlying ideas</i>
<b>anga</b> <i>framework</i>	<b>takune</b> <i>intention</i>
<b>anga whakamahere</b> <i>planning format; mapping framework</i>	<b>tapa</b> <i>name</i>
<b>arohaehae</b> <i>critique</i>	<b>tāpae (-a)</b> <i>present</i>
<b>aromātai</b> <i>observation, monitor</i>	<b>tārua</b> <i>repeat</i>
<b>arorau</b> <i>logical</i>	<b>tātaku</b> <i>recite</i>
<b>arotake</b> <i>evaluate</i>	<b>tātari</b> <i>analyse</i>
<b>ātete</b> <i>opposite (e.g. in meaning)</i>	<b>tātoru (-tanga)</b> <i>triplication (parallelism)</i>
<b>auaha</b> <i>creative</i>	<b>taunaki (-tanga)</b> <i>evidence</i>
<b>auau</b> <i>frequently repeated</i>	<b>taurite</b> <i>similar</i>
<b>hākiki</b> <i>irony</i>	<b>tautohu</b> <i>identify</i>
<b>hīkaro</b> <i>infer</i>	<b>tauutuutu</b> <i>take turns, alternate turns</i>
<b>horopaki</b> <i>context</i>	<b>tauwhāinga</b> <i>challenge, competition</i>
<b>horopaki e taunga ana</b> <i>familiar context</i>	<b>tāwai</b> <i>taunt</i>
<b>huahuatau</b> <i>metaphor</i>	<b>tene</b> <i>impromptu</i>
<b>huarite</b> <i>rhyme</i>	<b>tīpako (-hia)</b> <i>select, selection</i>
<b>huatau</b> <i>flow freely</i>	<b>tiwhiri</b> <i>clue</i>
<b>hukihuki</b> <i>unfinished; incomplete</i>	<b>toa aunoa</b> <i>win by default</i>
<b>irarua</b> <i>colon</i>	<b>tohu</b> <i>symbol</i>
<b>kare ā-roto</b> <i>emotions</i>	<b>tohuā</b> <i>exclamation mark</i>
<b>kaupae</b> <i>stages/levels</i>	<b>tohumatā</b> <i>bullet point</i>
<b>kīanga</b> <i>phrase</i>	<b>tohutuhi</b> <i>punctuation</i>
<b>kīanga whakaahua</b> <i>descriptive phrase</i>	<b>tohuwhai</b> <i>dash</i>
<b>kīanga whakarite</b> <i>similes</i>	<b>tongi tāruarua</b> <i>ellipsis (...)</i>
<b>kiripuaki</b> <i>character</i>	<b>tōpū</b> <i>together</i>
<b>kīwaha</b> <i>idiom</i>	<b>tuhinga auaha</b> <i>creative writing</i>
<b>kōrero tene</b> <i>impromptu speech</i>	<b>tuhinga hukihuki</b> <i>draft text</i>
<b>kōtui</b> <i>link together</i>	<b>tuhinga māhorahora</b> <i>free writing</i>
<b>kounga</b> <i>quality</i>	<b>tuhinga pipiri</b> <i>cohesive text</i>
<b>kōwae</b> <i>paragraph</i>	<b>tūhura (-tanga)</b> <i>explore, exploration</i>
<b>kōwae piringa tahi</b> <i>cohesive paragraph</i>	<b>tūpou</b> <i>pronoun</i>
<b>kupu auau</b> <i>high frequency word</i>	<b>tūpou tuatahi</b> <i>personal pronoun</i>
<b>kupu kura wānanga</b> <i>academic word</i>	<b>turaki</b> <i>grab (and hold on to)</i>
<b>kupu mahi</b> <i>verb</i>	<b>tūrehu</b> <i>fairy</i>
<b>kupu mahi hāngū</b> <i>passive verb</i>	<b>tūturu</b> <i>reo tūturu literal language</i>
<b>kupu taurite</b> <i>synonym</i>	<b>ui</b> <i>ui makihoi rhetorical question</i>
<b>kura wānanga</b> <i>academic</i>	<b>whaiaro</b> <i>personal</i>
<b>māhorahora</b> <i>freely</i>	<b>whakaaro whaiaro</b> <i>personal opinion</i>
<b>matapae</b> <i>predict</i>	<b>whakaawe</b> <i>influence, persuade</i>
<b>mōhiotanga ā-ahurea</b> <i>cultural knowledge</i>	<b>whakahāngai</b> <i>adapt</i>
<b>nahanaha (whaka-)</b> <i>organise</i>	<b>whakahiato</b> <i>synthesise</i>
<b>noho tōpū</b> <i>sit together</i>	<b>whakakao</b> <i>gather, collect together</i>
<b>ōkawa</b> <i>formal</i>	<b>whakanikoniko</b> <i>embellish</i>
<b>ōpaki</b> <i>informal</i>	<b>whakaoti rapanga</b> <i>solve problems</i>
<b>oro</b> <i>sound</i>	<b>whakapae</b> <i>predict, prediction</i>
<b>paetohu</b> <i>indicator</i>	<b>whakapuaki</b> <i>express</i>
<b>pānui kapokapo</b> <i>scan</i>	<b>whakarārara</b> <i>parallelism</i>
<b>pānui wawe</b> <i>skim, quickly decode</i>	<b>whakataunga</b> <i>conclusion</i>
<b>pānga</b> <i>effect</i>	<b>whakataurite</b> <i>compare</i>
<b>parahau</b> <i>justify</i>	<b>whakawhere</b> <i>to persuade</i>
<b>pārongo</b> <i>information</i>	<b>whanake (whaka-)</b> <i>(to) develop</i>
<b>pārongo mataaho</b> <i>explicit information</i>	<b>wheako</b> <i>experiences</i>
<b>pārongo matahuna</b> <i>implicit information</i>	
<b>peha</b> <i>figure of speech</i>	
<b>pīkaunga kōrero</b> <i>oral language demands</i>	
<b>pipiri</b> <i>cohesive</i>	
<b>reo tapa</b>	





Te Kāwanatanga o Aotearoa

ISBN 978-0-7903-3642-8



9 780790 336428